

新刊王氏脉經卷第七

朝散大夫光祿卿直秘閣判登聞檢院上護軍臣

病不可發汗證第一

病可發汗證第二

病發汗以後證第三

病不可吐證第四

病可吐證第五

病不可下證第六

病可下證第七

病發汗吐下以後證第八

病可溫證第九



病不可灸證第十

病可灸證第十一

病不可刺證第十二

病可刺證第十三

病不可水證第十四

病可水證第十五

病不可火證第十六

病可火證第十七

熱病陰陽交并少陰厥逆陰陽竭盡生死證第十八

重實重虛陰陽相附生死證第十九

熱病生死期日證第二十

熱病十逆死日證第二十一

熱病五藏氣絕死日證第二十二

熱病至脉死日證第二十三

熱病損脉死日證第二十四

病不可發汗證第一

少陰病脉細沈數病為在裏不可發其汗

脉浮而緊法當身體疼痛當以汗解假令尺中脉遲者不可

發其汗何以知然此為榮氣不足血微少故也

少陰病脉微而一作濡不可發其汗無陽故也

脉濡而弱弱反在關濡反在顛微反在止澀反在下微則陽

氣不足澀則無血陽氣反微中風汗出而反躁煩澀則無血

厥而且寒陽微發汗躁不得眠

動氣在右不可發汗發汗則衄而渴心苦煩飲即吐水

動氣在左不可發汗發汗則頭眩汗不止筋惕肉瞤

動氣在上不可發汗發汗則氣上衝正在心端

動氣在下不可發汗發汗則無汗心中大煩骨節苦疼目運

惡寒食即反吐穀不得前

一二云穀不消化

咽中閉塞不可發汗發汗則吐血氣微絕手足逆冷欲得蹠卧不能自温

諸脉數動微弱並不可發汗發汗則大便難腹中乾

一二云小便難胞

中乾胃燥而煩其形相象根本異源

脉濡而弱弱反在關濡反在顛弦反在上微反在下弦為陽

運微為陰寒上實下虛意欲得温微弦為虛不可發汗發汗

則寒慄不能自還欬者則劇數吐涎沫咽中必乾小便不利

心中飢煩暍時而發其形似瘧有寒無熱虛而寒慄欬而發

汗蹇而苦滿滿一微腹中復堅

厥不可發汗發汗則聲亂咽嘶舌萎穀不得前

諸逆發汗微者難愈劇者言亂睛眩者死命將難全太陽病得之八九日如瘧狀發熱而惡寒熱多寒少其人不嘔清便續自可一日再三發其脈微而惡寒此為陰陽俱虛不可復發汗也

太陽病發熱惡寒熱多寒少脈微弱則無陽也不可復發其汗咽乾燥者不可發汗

亡血家不可攻其表汗出則寒慄而振

衄家不可攻其表汗出必額暈脈上促急而緊直視而不能眴不得眠

汗家重發其汗必恍惚心亂小便已陰疼可與禹餘糧圓

淋家不可發汗發其汗必便血

瘡家雖身疼痛不可攻其表汗出則痊

一作瘡下同

冬時發其汗必吐衄口中爛生瘡

下利清穀不可攻其表汗出必脹滿

欬而小便利若失小便不可攻其表汗出則厥逆冷汗出多極發其汗亦堅

傷寒一二日至四五日厥者必發熱前厥者後必熱厥深者熱亦深厥微者熱亦微厥應下之而反發其汗必口傷爛赤病人脉數數為有熱當消穀引食反吐者醫發其汗陽微膈氣虛脉則為數數為客陽不能消穀胃中虛冷故令吐也

傷寒四五日其脉沈煩而喘滿脉沈者病為在裏反發其汗津液越出大便為難表虛裏實久則謔語

傷寒頭痛翕翕發熱形象中風常微汗出又自嘔者下之益
煩心懊懷如飢發汗則致痊身強難以屈伸熏之則發黃不
得小便久則發欬唾

太陽病發其汗因致痊

傷寒脉弦細頭痛而反發熱此爲少陽少陽不可發其汗

太陽與少陽併病頭項強痛或眩冒時如結胸心下痞堅者
不可發其汗

少陰病欬而下利譫語者此被火氣劫故也小便必難以強
責少陰汗也

少陰病但厥無汗而強發之必動其血未知從何道出或從
口鼻或從目出耳一作目者是爲下厥上竭爲難治

傷寒有五皆熱病之類也同病異名同脉異經病雖俱傷於

風其人自有痼疾則不得同法其人素傷於風因復傷於熱風熱相薄則發風溫四肢不收頭痛身熱常汗出不解治在少陰厥陰不可發汗汗出譫言獨語內煩躁擾不得卧善驚目亂無精治之復發其汗如此者醫殺之也

傷寒濕溫其人常傷於濕因而中暍濕熱相薄則發濕溫病苦兩脛逆冷腹滿又背頭目痛苦妄言治在足太陰不可發汗汗出必不能言耳聾不知痛所在身青面色變名曰重暍如此者死醫殺之也

右二子出醫律

病可發汗證第二

大法春夏宜發汗

凡發汗欲令手足皆周至漉漉一時間益佳但不欲如水流離若病不解當重發汗汗多則亡陽陽虛不得重發汗也

九服湯藥發汗中病便止不必盡劑也

九云可發汗而無湯者圓散亦可用要以汗出為解然不如湯隨證良

太陽病外證未解其脈浮弱當以汗解宜桂枝湯

太陽病脈浮而數者可發其汗屬桂枝湯證

陽明病脈遲汗出多微惡寒表為未解可發其汗屬桂枝湯
夫病脈浮大問病者言但堅耳設利者為虛大逆取為實汗
出而解何以故脈浮當以汗解

傷寒其脈不弦緊而弱弱者必渴被火必譫語弱者發熱脈
浮解之當汗出愈

病者煩熱汗出即解復如瘧狀日晡所發熱此屬陽明脈浮
虛者當發其汗屬桂枝湯證

病常自汗出此爲榮氣和榮氣和而外不解此衛不和也榮行脈中爲陰主內衛行脈外爲陽主外復發其汗衛和則愈屬桂枝湯證

病人藏無他病時發熱自汗出而不愈此衛氣不和也先其時發汗即愈屬桂枝湯證

脈浮而緊浮則爲風緊則爲寒風則傷衛寒則傷榮榮衛俱病骨節煩疼可發其汗宜麻黃湯

太陽病不解熱結膀胱其人如強直必自下下者即愈其外未解者尚未可以當先解其外屬桂枝湯證

太陽病下之微喘者表未解故也屬桂枝加厚朴杏子湯證傷寒脈浮緊不發其汗因衄屬麻黃湯證

陽明病脈浮無汗其人必喘發其汗則愈屬麻黃湯證

太陰病脉浮者可發其汗屬桂枝湯證

太陽病脉浮緊無汗而發熱其身疼痛八九日不解表候續
在此當發其汗服湯微除發煩目膜劇者必衄衄乃解所以
然者陽氣重故也屬麻黃湯證

脉浮者病在表可發其汗屬桂枝湯證

傷寒不大便六七日頭痛有熱與承氣湯其大便反青小便

清者此爲不在裏故在表也當發其汗頭痛者必衄屬桂枝湯證

下利後身體疼痛清便自調急當救表宜桂枝湯

太陽病頭痛發熱汗出惡風若惡寒屬桂枝湯證

太陽中風陽浮而陰濡弱者熱自發濡弱者汗自出當啜

惡寒淅惡風拿拿發熱鼻鳴乾嘔屬桂枝湯證

太陽病發熱汗出此爲榮弱衛強故使汗出欲救邪風屬桂

枝湯證

太陽病下之氣上衝可與桂枝湯不衝不可與之

太陽病初服桂枝湯而反煩不解者法當先刺風池風府却與桂枝湯則愈

燒針令其汗針處被寒核起而赤者必發背脈氣從少腹上衝心者灸其核上一壯與桂枝加桂湯

太陽病項背強几几反汗出惡風屬桂枝加葛根湯

太陽病項背強几几無汗惡風屬葛根湯

太陽與陽明合病而自利不嘔者屬葛根湯證

太陽與陽明合病不下利但嘔屬葛根加半夏湯

太陽病桂枝證醫反下之遂利不止其脈促者表未解喘而汗出屬葛根黃芩黃連湯

太陽病頭痛發熱身體疼腰痛骨節疼痛惡風無汗而喘屬麻黃湯證

太陽與陽明合病喘而汗滿不可下也屬麻黃湯證

太陽中風脈浮緊發熱惡寒身體疼痛不汗出而煩躁頭痛屬大青龍湯脈微弱汗出惡風不可服之服之則厥筋惕肉瞤此為逆也

傷寒脈浮緩其身不疼但重下有輕時無少陰證者大青龍湯發之

傷寒表不解心下有水氣乾嘔發熱而欬或渴或利或噎或小便不利小腹滿或微喘屬小青龍湯

傷寒心下有水氣欬而微喘發熱不渴服湯已而渴者此寒去欲為解屬小青龍湯證

陽明中風脈弦浮大而短氣腹都滿脇下及心痛又按之氣不通一作按暈乾不得汗嗜卧一身及目悉黃小便難有潮

熱時時噦耳前後腫刺之小差外不解病過十日脈續浮與小柴胡湯但浮無餘證與麻黃湯不溺腹滿加噦不治

太陽病十日以去脈浮細嗜卧此爲外解設脅滿脇痛與小柴胡湯脈浮者屬麻黃湯證

中風往來寒熱傷寒五六日以後脅脇苦滿嘿嘿不欲飲食煩心喜嘔或脅中煩而不嘔或渴或腹中痛或脇下痞堅或心中悸小便利或不渴外有微熱或欬者屬小柴胡湯

傷寒四五日身體熱惡風頸項強脇下滿手足溫而渴屬小柴胡湯證

傷寒六七日發熱微惡寒支節煩疼微嘔心下支結外證未

去者屬柴胡桂枝湯

少陰病得之二三日麻黃附子甘草湯微發汗以二三日無證故微發汗也

脈浮小便不利微熱消渴與五苓散利小便發汗

病發汗以後證第三

二陽併病太陽初得病時發其汗汗先出後不徹因轉屬陽明續自微汗出不惡寒若太陽證不罷不可下下之爲逆如此者可小發其汗設面色緣緣正赤者陽氣怫鬱在表當解之熏之若發汗不大徹不足言陽氣怫鬱不得越當汗而不汗其人躁煩不知痛處乍在腹中乍在四肢按之不可得其人短氣但坐汗出而不徹故也更發其汗即愈何以知其汗不徹脈澀故以知之

未持脈時病人以手自冒心師因教試令效而不即效者此必兩耳無所聞也所以然者重發其汗虛故也

發汗後飲水多者必喘以水灌之亦喘

發汗後水藥不得入口只為逆若更發其汗必吐下不止

陽明病本自汗出醫復重發其汗病已差其人微煩不了了此大便堅也以亡津液胃中乾燥故令其堅當問小便日幾行若本日三四行今日再行者必知大便不久出今為小便數少津液當還入胃中故知必當大便也

發汗多又復發其汗此為亡陽若譫語脈短者死脈自和者不死

傷寒發其汗身自為黃所以然者寒濕相搏在裏不解故也
病人有寒復發其汗胃中冷必吐蚘

太陽病發其汗遂瀉而不止其人惡風小便難四肢微急難
以屈伸屬桂枝加附子湯

服桂枝湯大汗出若脈但洪大與桂枝湯若其形如瘥一日
再三發汗出便解屬桂枝二麻黃一湯

服桂枝湯大汗出大煩渴不解若脈洪大屬白虎湯

傷寒脈浮自汗出小便數煩復仲景煩復字作心煩微惡寒而脚挛急

反與桂枝欲攻其表得之便厥咽乾煩躁吐逆當作甘草乾

薑湯以復其陽厥愈足溫更作為藥甘草湯與之其脚即伸

而胃氣不和譫語可與承氣湯重發其汗復加燒針者屬四

逆湯

傷寒發汗已解半日許復煩其脈浮數可復發其汗屬桂枝

湯證

發汗後身體疼痛其脈沈遲屬桂枝加芍藥生姜人參湯

發汗後不可更行桂枝湯汗出而喘無大熱可以麻黃杏子

甘草石膏湯

發汗過多已後其人叉手自冒心心下悸而欲得按之屬桂

枝甘草湯

發汗後其人臍下悸欲作黃脈屬茯苓桂枝甘草大棗湯

發汗後腹脹滿屬厚朴生姜半夏甘草人參湯

發其汗不鮮而反惡寒者虛故也屬芍藥甘草附子湯不惡

寒但熱者實也當和其胃氣宜小承氣湯

太陽病發汗若大汗出胃中燥煩不得眠其人欲飲水當稍

飲之令胃中和則愈

發汗已脈浮而數復煩渴者屬五苓散

傷寒汗出而渴屬五苓散證不渴屬茯苓甘草湯

太陽病發其汗汗出不解其人發熱心下悸頭眩身瞤而動振振欲擗地屬真武湯

傷寒汗出解之後胃中不和心下痞堅乾噫食臭脇下有水氣腹中雷鳴而利屬生姜瀉心湯

傷寒發熱汗出不解後心中痞堅嘔而下利屬大柴胡湯

太陽病二日發其汗不解蒸蒸發熱者屬於胃也屬承氣湯
大汗出熱不去內拘急四肢疼下利厥逆而惡寒屬四逆湯
發汗多亡陽譫語者不可下與柴胡桂枝湯和其榮衛以通津液後自愈

病不可吐證第四

太陽病當惡寒而發熱今自汗出反不惡寒發熱關上脈細

而數此醫吐之過也若得病一日二日吐之腹中飢口不能食三日四日吐之不喜糜粥欲食冷食朝食暮吐此醫吐之所致也此爲小逆

太陽病吐之者但太陽病當惡寒今反不惡寒不欲近衣此爲吐之內煩也

少陰病飲食入則吐心中溫溫欲吐復不能吐始得之手足寒脈弦遲此皆中實不可下若膈上有寒飲乾嘔者不可吐當溫之

諸四逆厥者不可吐之虛家亦然

病可吐證第五

大法春宜吐

凡服湯吐中病便止不必盡劑也

病如桂枝證其頭不痛項不強寸口脈微細胃中痞堅氣上
撞咽喉不得息此爲胃有寒當吐之

病皆上諸實胃中鬱鬱而痛不能食欲使人按之而反有濁
唾下利日十餘行其脈反遲寸口微滑此可吐之吐之利即止
少陰病飲食入則吐心中溫溫欲吐復不能吐當遂吐之宿
食在上管當吐之

病者手足厥冷脈乍緊邪結在胃中心下滿而煩飢不能食
病在胃中當吐之

病不可下證第六

脈濡而弱弱反在關濡反在顛微反在上澀反在下微則陽
氣不足澀則無血陽氣反微中風汗出而反躁煩澀則無血
厥而且寒陽微不可下下之則心下痞堅

動氣在右不可下下之則津液內竭咽燥鼻乾頭眩心悸
動氣在左不可下下之則腹裏拘急食不下動氣反劇身雖
有熱卧反欲蹶

動氣在上不可下下之則掌握熱煩身浮冷熱汗自出飲水
自濯

動氣在下不可下下之則腹滿卒起頭眩食則下清穀心下
痞堅

咽中閉塞不可下下之則上輕下重水漿不下卧則欲蹶身
體急痛復下利日十數行

諸外實不可下下之則發微熱亡脉則厥當臍握熱
諸虛不可下下之則渴引水者易愈惡水者劇

脉濡而弱弱反在關濡反在顛弦反在上微反在下弦為陽

運微爲陰寒上實下虛意欲得溫微弦爲虛虛者不可下微則爲欬欬則吐涎沫下之欬則止而利不休胃中如蠶齧粥入則出小便不利兩脇拘急喘息爲難頸背相牽臂則不仁極寒反汗出軀冷若冰眼睛不慧語言不休穀氣多入則爲除中口雖欲言舌不得前

脈濡而弱弱反在關濡反在顛浮反在上數反在下浮則爲陽虛數則爲無血浮則爲虛數則生熱浮則爲虛自汗而惡寒數則爲痛振而寒慄微弱在關皆下爲急喘汗不得呼吸呼吸之中痛在於脇振寒相搏其形如瘞醫反下之令脈急數發熱狂走見鬼心下爲痞小便淋瀝少腹甚堅小便血也脈濡而緊濡則陽氣微緊則榮中寒陽微衛中風發熱而惡寒榮緊胃氣冷微嘔心內煩醫以爲大熱解肌而發汗亡陽

虛煩躁心下苦痞堅裏裏俱虛竭卒起而頭眩客熱在皮膚
悵快不得眠不知胃氣冷緊寒在關元技巧無所施汲水灌
其身客熱應時罷憊憊而振寒重被而覆之汗出而冒顛體
暢而又振小便爲微難寒氣因水發清穀不容間嘔變反腸
出顛倒不得安手足爲微逆身冷而內煩遲欲從後救安可
復追還

脈浮而大浮爲氣實大爲血虛血虛爲無陰孤陽獨下陰部
小便難胞中虛今反小便利而大汗出法衛家當微今反更
實津液四射榮竭血盡干煩不眠血薄肉消而成暴液醫復
以毒藥攻其胃此爲重虛客陽去有期必下如污泥而死
跌陽脈遲而緩胃氣如經跌陽脈浮而數浮則傷胃數則動
脾此非本病醫持下之所爲也榮衛內陷其數先微脈反但

浮其人必堅氣噫而除何以言之脾脉本緩今數脉動脾其數先微故知脾氣不治大便堅氣噫而除今脉反浮其數改微邪氣獨留心中則飢邪熱不殺穀潮熱發渴數脉當遲緩脉因前後度數如前神景前字後法病者則飢數脉不時則生惡瘡脉數者久數不止止則邪結正氣不能復正氣却結於藏故邪氣浮之與皮毛相得脉數者不可下下之必煩利不止少陰病脉微不可發其汗無陽故也陽已虛尺中弱澀者復不可下之

脉浮大應發其汗醫反下之此為大逆

脉浮而大心下反堅有熱屬藏攻之不全微汗屬府澀數則堅汗多即愈汗少便難脉遲尚未可攻

二陽併病太陽初得病時發其汗汗先出復不徹因轉屬陽

明欲自汗出不惡寒若太陽證不罷不可下下之爲逆
結胸證其脉浮大不可下下之即死

太陽與陽明合病喘而胸滿不可下之

太陽與少陽併病心下痞堅頸項強而眩勿下之

諸因逆厥者不可下之虛家亦然

病欲吐者不可下之

太陽病有外證未解不可下下之爲逆

病發於陽而反下之熱入因作結胸發於陰而反下之因作

痞痞脉浮堅而下之緊反入裏因作痞

夫病陽多者熱下之則堅

本虛攻其熱必

無陽陰強而堅下之必清穀而腹滿

太陰之爲病腹滿而吐食不下下之益甚腹時自痛背下結
堅

厥陰之爲病消渴氣上撞心中疼熱飢而不欲食甚者則欲
吐下之不肯止

少陰病其人飲食入則吐心中溫溫欲吐復不能吐始得之
手足寒脈弦遲此膈中實不可下也

傷寒五六日不結胸腹濡脈虛復厥者不可下下之亡血死
傷寒發熱但頭痛微汗出發其汗則不識人熏之則喘不得
小便心腹滿下之則短氣而腹滿小便難頭痛背強加溫針
則必衄

傷寒其脈陰陽俱緊惡寒發熱則脈欲厥厥者脈初來大漸
漸小更來漸大是其候也惡寒甚者翕翕汗出喉中痛熱多

者目赤睛不慧豎復發之咽中則傷若復下之則兩目閉塞
多清穀熱多便膿血熏之則發黃熨之則咽燥小便利者可
救難者必危殆

傷寒發熱口中勃勃氣出頭痛目黃臯衄不可制貪水者必
嘔惡水者厥下之咽中生瘡假令手足溫者下重便膿血頭
痛目黃者下之目閉貪水者下之其脉必厥其聲嚶咽喉塞
發其汗則戰慄陰陽俱虛惡水者下之裏冷不嗜食大便完
穀出發其汗口中傷舌上胎滑煩躁脉數實不大便六七日
後必便血復發其汗小便即自利

得病二三者脉弱無太陽柴胡證而煩躁心下堅至四日雖
能食以承氣湯少與微和之令小安至六日與承氣湯一升
不大便六七日小便少者雖不大便但頭堅後溲未定成其

堅攻之必溘當須少便利定堅乃可攻之

臧結無陽證寒而不熱

傷寒論云不往來寒熱

其人反靜舌上胎滑者

不可攻也

傷寒嘔多雖有陽明證不可攻之

陽明病潮熱微堅可與承氣湯不堅不可與若不大便六七日恐有燥屎欲知之法可少與小承氣湯腹中轉失氣者此爲有燥屎乃可攻之若不轉失氣者此但頭堅後溘不可攻之攻之必腹滿不能食欲飲水者即噦其後發熱者必復堅以小承氣湯和之若不轉失氣者慎不可攻之

陽明病身合色赤者不可攻也必發熱色黃者小便不利也

陽明病當心下堅滿不可攻之攻之遂利不止者死止者愈

陽明病自汗出若發其汗小便自利此爲內竭雖堅不可攻

之當須自欲大便宜蜜煎導而通之若土瓜根及猪膽汁皆可以導

下利其脉浮大此爲虛以強下之故也設脉浮革因爾腸鳴屬當歸四逆湯

病可下證第七

大法秋宜下

九可下者以湯勝圓散中病便止不必盡三服

陽明病發熱汗多者急下之屬大柴胡湯

少陰病得之二三日口燥咽乾者急下之屬承氣湯

少陰病六七日腹滿不大便者急下之屬承氣湯證

少陰病下利清水色青者心下必痛口乾燥者可下之屬大

柴胡湯承氣湯證

下利三部脈皆平按其心下堅者可下之屬承氣湯證

陽明與少陽合病而利脈不負者為順負者失也互相刻賊為負

滑而數者有宿食當下之屬大柴胡承氣湯證

傷寒後脈沈沈為內實玉函云脈沈實沈實者下之下之解屬大柴胡湯證

傷寒六七日目中不了了睛不和無表裏證大便難微熱者

此為實急下之屬大柴胡湯承氣湯證

太陽病未解其脈陰陽俱沈必先振汗出解但陽微者先汗

之而解但陰微者先下之而解屬大柴胡湯證陰微一作尺實

脈雙弦遲心下堅脈大而緊者陽中有陰可下之屬承氣湯證

結胸者項亦強如柔痙狀下之即和

病者無表裏證發熱七八日雖脈浮數可下之屬大柴胡湯證

太陽病六七日表證續在其脉微沈反不結胃其人發狂此熱在下焦少腹當堅而滿小便自利者下血乃愈所以然者以太陽隨經瘀熱在裏故也屬抵當湯

太陽病身黃其脉沈結少腹堅小便不利爲無血小便自利其人如狂者血證諦屬抵當湯證

傷寒有熱而少腹滿應小便不利今反利者此爲血當下之屬抵當圓證

陽明病發熱而汗出此爲熱越不能發黃但頭汗出其身無有齋頸而還小便不利渴引水疑此爲瘀熱在裏身必發黃屬茵陳蒿湯

陽明證其人喜忘必有畜血所以然者本有久瘀血故令喜忘雖堅大便必黑屬抵當湯證汗出而譫語者有燥屎在胃

中此風也過經乃可下之下之若早語言亂以表虛裏實故也下之則愈屬大柴胡湯承氣湯證

病者煩熱汗出即解復如瘧狀日脯所發者屬陽明脉實者當下之屬大柴胡湯承氣湯證

陽明病謔語有潮熱而反不能食者必有燥屎五六枚若能食者但堅耳屬承氣湯證

太陽中風下利嘔逆表解乃可攻之其人漉漉汗出發作有時頭痛心下痞堅滿引腰下痛嘔則短氣汗出不惡寒此爲表解裏未和屬十棗湯

太陽病不解執結膀胱其人如狂血自下下之即愈其外未解尚未可攻當先解外外解小腹急結者乃可攻之屬桃人承氣湯

傷寒七八日身黃如橘小便不利少腹微滿屬茵陳蒿湯證
傷寒十餘日熱結在裏復往來寒熱屬大柴胡湯證但結胸
無大熱此爲水結在胸脇頭微汗出與大陷胸湯

傷寒六七日結胸熱實其脈沈緊心下痛按之如石堅與大
陷胸湯

陽明病其人汗多津液外出胃中燥大便必堅堅者則譫語
屬承氣湯證

陽明病不吐下而心煩者可與承氣湯

陽明病其脈遲雖汗出而不惡寒其體作一本必重短氣腹滿

而喘有潮熱如此者其外爲解可攻其裏若手足濇然汗出

者此大便已堅屬承氣湯其熱不潮未可與承氣湯若腹滿

大而不大便者屬小承氣湯微和胃湯勿令至大下

陽明病譫語發潮熱其脈滑疾如此者屬承氣湯因與承氣湯一升腹中轉失氣者復與一升如不轉失氣者勿更與之明日又不大便脈反微澀者此為裏虛為難治不可更與承氣湯

二陽併病太陽證罷但發潮熱手足濇汗出大便難而譫語者下之愈屬承氣湯證

病人小便不利大便乍難乍易時有微熱喘冒不能卧者有燥屎也屬承氣湯證

病發汗吐下以後證第八

師曰病人脈微而澀者此為驚所病也大發其汗又數大下

之其人亡血病當惡寒而發熱無休止時夏月盛熱而與

飲著複衣冬月盛寒而與仲景裸其體所以然者陽微即惡

寒陰弱即發熱故仲景發其汗使陽氣微又大下之令陰氣

弱五月之時陽氣在表胃中虛冷以陽氣內微不能勝冷故

與仲景欲著復衣十一月之時陽氣在裏胃中煩熱以陰氣內

弱不能勝熱故與仲景裸其體又陰脈遲澀故知亡血

太陽病三日已發其汗吐下溫針而不解此為壞病桂枝復

不中與也觀其脈證知犯何逆隨證而治之

脈浮數法當汗出而愈而下之則身體重心悸不可發其汗

當自汗出而解所以然者尺中脈浮此裏虛須表重實津液

和即自汗出愈

凡病若發汗若吐若下若亡血無津液而陰陽自和者自愈

大下後發汗其人小便不利此亡津液勿治其小便利必自愈

下以後復發其汗必振寒又其脈微細所以然者內外俱虛

故也

太陽病先下而不愈因復發其汗表裏俱虛其人因冒冒家當汗出自愈所以然者汗出表和故也表和然後下之

得病六七日脈遲浮弱惡風寒手足溫醫再三下之不能多多一作食其人脇下滿面目及身黃頸項強小便難與柴胡湯後必下重本渴飲水而嘔柴胡湯復不中與也食穀者噦

太陽病二三日終不能臥但欲起者心下必結其脈微弱者此本寒也而反下之利止者必結胃未止者四五日復重下之此挾熱利也

太陽病下之其脈促不結胃者此為欲解其脈浮者必結胃其脈緊者必咽痛其脈弦者必兩脇拘急其脈細而數者頭痛未止其脈沈而緊者必欲嘔其脈沈而滑者挾熱利其脈

浮而滑者必下血

太陽少陽併病而反下之成結胸心下堅下利不復止水漿不肯下其人必心煩

脈浮緊而下之緊反入裏則作痞按之自濡但氣痞耳

傷寒吐下發汗虛煩脈甚微八九日心下痞堅脇下痛氣上衝咽喉眩冒經脈動惕者久而成痿

陽明病不能食下之不鮮其人不能食攻其熱必噦所以然者胃中虛冷故也

陽明病脈遲食難用飽飽即發煩頭眩者必小便難此欲作穀疸雖下之其腹滿如故耳所以然者脈遲故也

太陽病寸緩關浮尺弱其人發熱而汗出復惡寒不嘔但心下痞者此爲醫下之也

傷寒大吐大下之極虛復極汗者其人外氣怫鬱復與之水以發其汗因得噦所以然者胃中寒冷故也

吐下發汗後其人脉平而小煩者以新虛不勝穀氣故也

太陽病醫發其汗遂發熱而惡寒復下之則心下痞此表裏俱虛陰陽氣并竭無陽則陰獨復加火針因而煩面色青黃膚潤如此者爲難治令色微黃手足溫者易愈

服桂枝湯下之頭項強痛拿拿發熱無汗心下滿微痛小便不利屬桂枝去桂加茯苓木湯

太陽病先發其汗不解而下之其脉浮者不愈浮爲在外而反下之故令不愈今脉浮故在外當解其外則愈屬桂枝湯下以後復發其汗者則晝日煩躁不眠夜而安靜不嘔不渴而無表證其脉沈微身無大熱屬乾姜附子湯

傷寒吐下發汗後心下逆滿氣上撞背起即頭眩其脉沈緊發汗即動經身為振搖屬茯苓桂枝木甘草湯

發汗吐下以後不解煩躁屬茯苓四逆湯

傷寒發汗吐下後虛煩不得眠劇者反覆顛倒心中懊憹屬梔子湯若少氣梔子甘草湯若嘔梔子生姜湯若腹滿者梔子厚朴湯

發汗若下之煩熱背中華者屬梔子湯證

太陽病過經十餘日心下溫溫欲吐而背中華痛大便反溏其腹微滿鬱鬱微煩先時自極吐下者與承氣湯不尔者不可與欲嘔背中華微溏此非柴胡湯證以嘔故知極吐下也

太陽病重發其汗而復下之不大便五六日舌上燥而渴日晡所小有潮熱從心下至少腹堅滿而痛不可近屬大陷胸湯

傷寒五六日其人自發汗而復下之背脇滿微結小便利
渴而不嘔但頭汗出往來寒熱心煩此爲未解屬柴胡桂枝
乾姜湯

傷寒汗出若吐下解後必下痞堅噫氣不除者屬旋代赭湯
。大下已後不可更行桂枝湯汗出而喘无大熱可以麻黃杏
仁甘草石膏湯

傷寒大下后復發其汗必下痞惡寒者表未解也不可攻其
痞當先解表表解乃攻其痞解表屬桂枝湯攻痞屬大黃黃
連瀉心湯

傷寒吐下後七八日不解熱結在裏表裏俱熱時二惡風大
渴舌上乾燥而煩欲飲水數升屬白虎湯

傷寒吐下後未解不大便五六日至十餘日其人日晡所發

潮熱不惡寒獨語如見鬼神之狀若劇者發則不識人循衣妄撮怵惕不安微喘直視脈弦者生澁者死微者但發熱譫語屬承氣湯若下者勿復服

三陽合病腹滿身重難以轉側口不仁面垢譫語遺溺發汗則譫語下之則額上生汗手足厥冷自汗厲白虎湯證

陽明病其脈浮緊咽乾口苦腹滿而喘發熱汗出而不惡寒反偏惡熱其身軀重發其汗即躁心憤二而反譫語加溫針必怵惕又煩躁不得眠下之即胃中空虛客氣動膈心中懊懣舌上胎者屬梔子湯證

陽明病下之其外有熱手足溫不結胸心中懊懣若飢不能食但頭汗出屬梔子湯證

陽明病下之心中懊懣而煩胃中有燥屎者可攻其人腹微

滿頭堅後溘者不可下之有燥屎者屬承氣湯證

太陽病吐下發汗後微煩小便數大便因堅可與小承氣湯和之則愈

大汗若大下而厥冷者屬四逆湯證

太陽病下之其脈促肯滿者屬桂枝去芍藥湯若微寒屬桂枝去芍藥加附子湯

傷寒五六日大下之身熱不去心中結痛者未欲解也屬梔子湯證

傷寒下後煩而腹滿卧起不安屬梔子厚朴湯

傷寒醫以丸藥大下之身熱不去微煩屬梔子乾姜湯

傷寒醫下之續得下利清穀不止身躄疼痛急當救裏身躄疼痛清便自調急當救表救裏宜四逆湯救表宜桂枝湯

太陽病過經十餘日反再三下之後四五日柴胡證續在
先與小柴胡湯嘔止小安嘔止小安一云其人鬱二微煩者為
未解與大柴胡湯下者止

傷寒十三日不解胃腸滿而嘔日晡所發潮熱而微利此本
當柴胡湯下之不得利今反利者故知醫以丸藥下之非其
治也潮熱者實也先再服小柴胡湯以解其外後屬柴胡加
芒消湯

傷寒十三日過經而譫語內有熱也當以湯下之小便利者
大便當堅而反利其脈調和者知醫以丸藥下之非其治也
自利者其脈當微厥今反和者此為內實屬承氣湯證

傷寒八九日下之胃滿煩驚小便不利譫語一身不可轉側
屬柴胡加龍骨牡蠣湯

火逆下之因燒針煩躁屬桂枝甘草龍車牡蠣湯

大陽病脈浮而動數浮則為風數則為熱動則為痛數則為

虛頭痛發熱微盜汗出而反惡寒其表未解鑿反下之動數

則逢頭痛即眩一云膈胃中空虛客氣動膈短氣躁煩心中

懊懷陽氣內陷心下因堅則為結實屬大陷胃湯若不結實

但頭汗出其餘无有齊頸而还小便不利身必發黃

傷寒五六日嘔而發熱柴胡湯證具而以佗藥下之柴胡證

仍在復与柴胡湯此雖以下不為逆也必蒸二而振却發熱

汗出而解若心下滿而堅痛者此為結實屬大陷胃湯若但

滿而不痛者此為痞柴胡復不中与也屬半夏瀉心湯

本以下之故心下痞与之瀉心其痞不解其人渴而口燥小

便不利者屬五苓散一方言心之一日乃愈

傷寒中風鑿及下之其人下利日數十行穀不化腹中雷鳴
心下痞堅而滿乾嘔而煩不能得安鑿見心下痞為病不
復重下之其痞益甚此非結熱但胃中虛受氣上逆故使之
堅屬甘草瀉心湯

傷寒服湯藥而下利不止心下痞堅服瀉心湯已後以它藥
下之利不止鑿以理中与之利益甚理中理中膻此利在下
膻屬赤石脂禹餘糧湯若不止者當利其小便

太陽病外證未除而數下之遂挾熱而利不止心下痞堅表
裏不解屬桂枝人參湯

傷寒吐後腹滿者与承氣湯

病者无表裏證發熱七八日脈雖浮數者可下之假令下已
脈數不解今熱則消穀喜飢至六七日不大便者有瘀血屬

抵當湯若脈數不鮮而不上必夾血便膿血

太陽病醫反下之因腹痛時痛為屬太陰屬桂枝加芍藥湯
大實痛屬桂枝加大黃湯

傷寒六七日其人大下後脈沈遲手足厥逆下部脈不至喉
咽不利唾膿血油利不止為難治屬麻黃升麻湯

傷寒本自寒下醫復吐下之寒格更遂吐一本作更食入即
出屬乾姜黃芩黃連人參湯

病可溫證第九

大法冬宜服溫熱藥及灸

師曰病發熱頭痛脈反沈者不羞身體更疼痛當救其裏宜
溫藥四逆湯

下利腹滿身體疼先溫其裏宜四逆湯

自利不渴者屬太陰其藏有寒故也當溫之宜四逆輩

少陰病其人欲食入則吐心中溫溫欲吐復不能吐始得之手足寒脈弦遲若膈上有寒飲乾嘔者不可吐當溫之宜四逆湯

少陰病脈沈者急當溫之宜四逆湯

下利欲食者就當溫之

下利脈遲緊爲痛未欲止當溫之得冷者滿而便腸垢

下利其脈浮大此爲虛以強下之故也設脈浮革因爾腸鳴

當溫之宜當歸四逆湯

少陰病下利脈微澀者即嘔汗出必數更衣反少當溫之

傷寒醫下之續得下利清穀不止身體疼痛急當救裏宜溫

之以四逆湯

病不可灸證第十

微數之脈溼不可灸因火爲邪則爲煩逆追虛逐實血散脈中火氣雖微內攻有力焦骨傷筋血難復也

脈浮當以汗解而反灸之邪無從去因火而盛病從腰以下必當重而痺此爲火逆若欲自解當先煩煩乃有汗隨汗而解何以知之脈浮故知汗出當解

脈浮熱甚而灸之此爲實實以虛治因火而動咽燥必唾血病可灸證第十一

燒針令其汗針處被寒核起而赤者必發賁豚氣從少腹上

撞者灸其核上一壯一本作一壯各一壯與桂枝加桂湯

少陰病得之一二日口中和其背惡寒者當灸之

少陰病其人吐利手足不逆反發熱不死脈不至者灸其少

陰七壯

少陰病下利脉微澀者即嘔汗出必數更衣反少當溫其上

灸之一云灸厥陰
可五十壯

諸下利皆可灸足大都五壯一云七壯商丘陰陵泉皆三壯

下利手足厥無脉灸之不溫反微喘者死少陰負趺陽者為順也

傷寒六七日其脉微手足厥煩躁灸其厥陰厥不還者死

傷寒脉促手足厥逆可灸之為可灸少陰厥陰主逆

病不可刺證第十二

大怒無刺大作新

已刺無怒已作新

新內無刺

已刺無內

大勞無刺大作新

已刺無勞

大醉無刺

已刺無醉

大飽無刺

已刺無飽

大飢無刺

已刺無飢

大渴無刺

已刺無渴

無刺大驚

無刺焯焯之熱無刺漉漉之汗無刺渾渾之脈身熱甚陰陽皆爭者勿刺也其可刺者急取之不汗則洩所謂勿刺者有死徵也無刺病與脈相逆者上工刺未生其次刺未盛其次刺已衰粗工逆此謂之伐形出九卷

病可刺證第十三

太陽病頭痛至七日自當愈其經竟故也若欲作再經者當針足陽明使經不傳則愈

太陽病初服桂枝湯而反煩不解者當先刺風池風府乃却與桂枝湯則愈

傷寒腹滿而譫語寸口脈浮而緊者此為肝乘脾名曰縱當刺

期門

傷寒發熱蓄晉惡寒其人大渴欲飲酢漿者其腹必滿而自汗出小便利其病欲解此爲肝乘肺名曰橫當刺期門

陽明病下血而譫語此爲熱入血室但頭汗出者當刺期門隨其實而瀉之澱然汗出者則愈

婦人中風發熱惡寒經水適來得之七八日熱除脈遲身涼背脇下滿如結育狀其人譫語此爲熱入血室當刺期門隨其虛實而取之平病云熱入血室無犯胃氣及上三焦與此相反豈謂藥不謂針耶

太陽與少陽併病頭痛頸項強而眩時如結育心下痞堅當刺大杼第一間肺俞肝俞慎不可發汗發汗則譫語譫語則脈弦譫語五日不止當刺期門

少陰病下利便膿血者可刺

婦人傷寒懷身腹滿不得小便加從腰以下重如有水氣狀
懷身七月太陰當養不養此心氣實當刺寫勞宮及關元小
便利則愈

傷寒喉痺刺手少陰少陰在腕當小指後動脈是也針入三
分補之

問曰病有汗出而身熱煩滿煩滿不為汗解者何對曰汗出
而身熱者風也汗出而煩滿不解者厥也病名曰風厥也太
陽主氣故先受邪少陰與為表裏也得熱則上從之從之則
厥治之表裏刺之飲之湯

熱病三日氣口靜人迎躁者取之諸陽五十九刺以寫其熱
而出其汗實其陰以補其不足所謂五十九刺者兩手外內

側各二九十二疳五指間各一九八疳足亦如是頭入髮一
寸傍三分各二九六疳更入髮三寸邊各五九疳耳前後
口下項中各一九六疳顛上一

熱病先膚痛窒鼻充面取之皮以第一針五十九苛菌為軫

一云苛軫鼻索皮於肺不得索之火火心也

熱病嗑乾多飲善驚臥不能安取之膚肉以第六針五十九
目背赤索肉於脾不得索之木木肝也

熱病而背脇痛手足躁取之筋間以第四針針於四達一作逆
筋辟目浸索筋於肝不得索之金金肺也

熱病數驚癡癡而狂取之脉以第四針急寫有餘者癩疾毛
髮去索血脉一作竹於心不得索之水水腎也

熱病而身重骨痛耳聾而好瞋取之骨以第四針五十九骨

病食齧牙齒耳清靈骨於腎無一本不得索之土土脾也

熱病先身濇傍數傍數太煩悶乾脅啞取之以第一針五十

九膚脹口乾寒汗

熱病頭痛攝顛顛一作日脉緊善衄厥熱也取之以第三針視

有餘不足寒熱病

熱病體重腸中熱取之以第四針於其輸及下諸指間索氣

於胃絡得氣也

熱病伎臍痛急脊脇支滿取之湧泉與太陰陽明一二云陰陵泉以

第四針針啞裏

熱病而汗且出反脉順可汗者取之魚際太淵大都太白寫

之則熱去補之則汗出汗出大甚者取踝上橫文以止之

熱病七日八日脉口動喘而眩者急刺之汗且自出淺刺手

大指間

熱病先脊脇痛手足濕刺足少陽補手太陰病甚為五十九刺
熱病先手臂痛刺手陽明太陰而汗出止

熱病始於頭首者刺項太陽而汗出止

熱病先身重滑痛耳聾自瞑刺足少陰病其為五十九刺云

陽刺少

熱病先眩冒而熱脊脇痛刺足少陰少陽

熱病始足脛者先取足陽明而汗出

病不可水證第十四

發汗後飲水多者必喘以水灌之亦喘

傷寒大吐大下之極虛復極汗者其人外氣怫鬱復與之水
以發其汗因得噦所以然者胃中寒冷故也

陽明病潮熱微堅，不可承氣湯。不堅，勿與之。若不大便六七
日，恐有燥屎，欲知之，法可與小承氣湯。若腹中不轉，失氣者，
此爲但頭堅，後溏不可攻之。攻之必腹滿，不能食飲水者，
即噦。

陽明病若胃中虛冷，其人不能食飲水，即噦。

下利其脈浮大，此爲虛，以強下之故也。設脈浮革，因爾腸鳴，
當溫之，與水即噦。

病在陽，當以汗解，而反以水漬之。若灌之，其熱却不得去，益
煩皮上粟起，意欲飲水，反不渴，宜文蛤散。若不差，與五苓散。
若寒實結胸，無熱證者，與三物小陷胸湯。曰散，亦可。身熱皮
粟不鮮，欲引衣自覆，若以水噴之，洗之，益令熱，却不得出，當
汗而不汗，即煩，假令汗出已，腹中痛，與芍藥三兩，如上法。

寸口脈浮大醫反下之此爲大逆浮即無血大即爲寒寒氣相搏即爲腸鳴醫乃不知而反飲水令汗大出水得寒氣冷必相搏其人即餒

寸口脈濡而弱濡即惡寒弱即發熱濡弱相搏藏氣衰微胃中苦煩此非結熱而反薄舌水漬布冷銚貼之陽氣遂微諸府無所依陰脈凝聚結在心下而不肯移胃中虛冷水穀不化小便縱通復不能多微則可救聚寒心下當奈何也

病可水證第十五

太陽病發汗後若大汗出胃中乾燥煩不得眠其人欲飲水當稍飲之令胃中和則愈

厥陰病渴欲飲水者與水飲之即愈太陽病寸口緩關上小浮尺中弱其人發熱而汗出復惡寒不嘔但心下痞者此爲

醫下也。若不下其人，後不惡寒而渴者，為轉屬陽明。小便數者，大便即堅，不更衣十日無所苦也。欲飲水者，但與之，當以法救渴，宜五苓散。

寸口脈洪而大，數而滑，洪大則榮氣長，滑數則胃氣實，榮長則陽盛，怫鬱不得出身，胃實則堅難大便，則乾燥，三焦閉塞，津液不通，醫發其汗，陽盛不周，復重下之，胃燥熱畜，大便遂擯，小便不利，榮衛相搏，心煩發熱，兩眼如火，鼻乾面赤，舌燥齒黃，焦故大渴，過經成壞病，針藥所不能制，與水灌，枯槁陽氣微散，身寒溫衣，覆汗出表裏通，然其病即除。形脈多不同，此愈非法治，但醫所當慎，妄犯傷榮衛。

霍亂而頭痛發熱，身體疼痛，執多欲飲水，屬五苓散。

嘔吐而病在膈上，後必思水者，急與猪苓散飲之，水亦得也。

病不可火證第十六

太陽中風以火劫發其汗邪風被火熱血氣流佚失其常度
兩陽相熏灼其身發黃陽盛則欲衄陰虛小便難陰陽俱虛
竭身體則枯燥但頭汗出齊頸而還復滿而微喘口乾咽爛
或不大便久則譫語甚者至噦手足躁擾循衣摸床小便利
者其人可治

太陽病醫發其汗遂發熱而惡寒復下之則心下痞此表裏
俱虛陰陽氣併竭無陽則陰獨復加火針因而煩面色青黃
膚潤如此者爲難治今色微黃手足溫者愈

傷寒加溫針必驚

陽脈浮陰脈弱則血虛血虛則筋傷其脈沈者榮氣微也其
脈浮而汗出如流珠者衛氣衰也榮氣微加燒針血留不行

更發熱而躁煩也

傷寒脈浮而鑿以火迫劫之亡陽驚狂卧起不安屬桂枝去芍藥加蜀漆牡蠣龍骨救逆湯

問曰得病十五十六日身熱黃下利狂欲走師脈之言當下清血如脈肝乃愈後如師言何以知之師曰寸口脈陽浮陰濡弱陽浮則爲風陰濡弱爲少血浮虛受風少血發熱惡寒洒淅項強頭眩鑿加火熏鬱令汗出惡寒遂甚客熱因火而發怫鬱蒸肌膚身目爲黃小便微難短氣從鼻出血而復下之胃无津液泄利遂不止熱瘕在膀胱畜結成積聚狀如豚肝當下未下心亂迷憤狂走赴水不能自制畜血若去目明心了此皆鑿所爲无他禍患微輕得愈極者不治

傷寒其脈不弦緊而弱者必瀉被火必譫言弱者發熱脈浮

解之當汗出愈

太陽病以火熏之不得汗其人必躁到經不解必有清血

陽明病被火額上微汗出而小便不利必發黃

陽明病其脉浮緊咽乾口腹滿而喘發熱汗出而不惡寒反

偏惡熱其身身重發其汗則躁心憤二而反譫語加溫針必

怵惕又煩躁不得眠

少陰病欬而下利譫語是為被火氣劫故也小便必難為強

責少陰汗出

太陽病二日而燒瓦熨其背大汗出火氣入胃胃中竭燥必

發譫語十餘日振而反汗出者此為欲解其汗從腰以下不

得汗其人欲小便反不得嘔欲失溲足下惡風大便堅者小

便當數而反不數及多便已其頭卓然而痛其人足心必熱

穀氣下流故也

病可火證第十七

下利穀道中痛當溫之以爲宜熬木薑熨之一方炙枳實熨之。熱病陰陽交并少陰厥逆陰陽竭尺生死證第十八問曰溫病汗出輒復熱而脈躁疾不爲汗衰狂言不能食病名爲何對曰名曰陰陽交交者死人所以汗出者生於穀穀生於精今邪氣交爭於骨肉而得汗者是邪却而精勝精勝則當能食而不復熱熱者邪氣也汗者精氣也今汗出而輒復熱者邪勝也不能食者精无俾也汗而熱留者壽可立而傾也

夫汗出而脈尚躁盛者死此今脈不與汗相應此不勝其病也狂言者是失志失志者死有三死不見一生雖愈必死

熱病已得汗而脈尚躁盛此陽脈之極也死其得汗而脈靜者生也

熱病脈尚躁盛而不得汗者此陽脈之極也死脈躁盛得汗者生也

熱病已得汗而脈尚躁喘且復熱勿膚刺喘甚者死
熱病陰陽交者死

熱病煩已而汗脈當靜

太陽病脈反躁盛者是陰陽交死復得汗脈靜者生

熱病陰陽交者熱煩身躁太陰寸口脈兩衝尚躁盛是陰陽交死得汗脈靜者生

熱病陽進陰退頭獨汗出死陰進陽退腰以下至足汗出亦死陰陽俱進汗出已熱如故亦死陰陽俱退汗出已寒慄不

止鼻口氣冷亦死

右熱病陰陽交部

熱病所謂并陰者熱病已得汗因得泄是謂并陰故治

治一作治

熱病所謂并陽者熱病已得汗脉尚躁盛大熱汗出雖不汗

出若衄是謂并陽故治

右熱病并陰陽部

少陰病惡寒踈而利手足逆者不治

少陰病下利止而眩時時自胃者死

少陰病其人吐利躁逆者死

少陰病四逆惡寒而踈其脉不至其人不煩而躁者死

少陰病六七日其人息高者死

少陰病脉微細沈但欲卧汗出不煩自欲吐五六日自利復

煩躁不得卧寐者死

少陰病下利若利止惡寒而踈手足溫者可治

少陰病惡寒而踈時時自煩欲去其衣被者可治

少陰病下利止厥逆無脉干煩一本作乾嘔服湯藥其脉暴出者

死微細者生右心陰部

傷寒六七日其脉微手足厥煩躁灸其厥陰厥不還者死

傷寒下利厥逆躁不能臥者死

傷寒發熱下利至厥不止者死

傷寒厥逆六七日不利復發熱而利者生其人汗出利不止

者死但有陰無陽故也

傷寒五六日不結胸腹濡脉虛復厥者不可下下之亡血死

傷寒發熱而厥七天下利者為難治右服逆部

熱病不知所痛不能自收口乾陽熱甚陰頗有寒者熱在體

死不治

熱病在腎令人渴且乾舌焦黃赤晝夜欲飲不止腹大而脹尚不厭飲目無精光死不治

脾傷即中風陰陽氣別離陰不從陽故以三分候其死生傷寒欬逆上氣其脈散者死謂其人形損故也

傷寒下利日十餘行其人脈反實者死

病者脇下素有痞而下在臍傍痛引少腹入陰使陰筋此爲臧結死

夫實則證語虛則鄭聲鄭聲者重語是也直視證語喘滿者死若下利者亦死

結胸證悉具而躁者死

吐舌下卷者死唾如膠者難解舌頭四邊徐有津液此爲欲解病者至經上脘有色脈自和爲欲解色急者來解右陰陽竭盡部

重實重虛陰陽相附生死證第十九

問曰何謂虛實對曰邪氣盛則實精氣奪則虛重實者肉大熱病氣熱脈滿是謂重實

問曰經絡俱實何如對曰經絡皆實是寸脈急而尺爲也皆當俱治故曰滑則順瀦則逆夫虛實者皆從其物類始五藏骨肉滑利可以長久寒氣蒸上脈滿實實而滑順則生實而瀦逆則死形盡滿脈急大堅尺滿而不應順則生逆則死所謂順者手足溫所謂逆者手足寒也

問曰何謂重虛對曰脈虛氣虛尺虛是謂重虛也所謂氣虛者言無常也尺虛者行步戾然也脈虛者不象陰也如此者滑則生瀦則死氣虛者肺虛也氣逆者足寒也非其時則生當其時則死餘藏皆如此也

脉實滿手足寒頭熱者春秋則生冬夏則死脉浮而瀼瀼而
身有熱者死絡氣不足經氣有餘脉熱而尺寒秋冬為逆春
夏為順經虛絡滿者尺熱滿而寒瀼春夏死秋冬生絡滿經
虛灸陰刺陽經滿絡虛刺陰灸陽

問曰秋冬無極陰春夏無極陽何謂也對曰無極陽者春夏
無數虛陽明陽明虛則狂無極陰者秋冬無數虛大陰大陰

虛則死

右重實
重虛部

熱病所謂陽附陰者腰以下至足熱腰以上寒陰氣下爭還
心腹滿者死所謂陰附陽者腰以上至頭熱腰以下寒陽氣
上爭還得汗者生

右陰陽
相附部

熱病生死期日證第二十

太陽之脉色榮顙骨熱病也榮未夫曰今且得汗待時自已

與厥陰脉爭見者死期不過三日其熱病氣內連腎少陽之脉色榮頰前熱病也榮未天曰今且得汗待時自己與少陰脉爭見者死期不過三日

熱病七八日脉微小病者溲血口中乾一日半而死脉代者一日死

熱病七八日脉不躁喘不數後三日中有汗三日不汗四日

死未曾汗勿膚刺

膚一作痛

熱病三四日脉不喘其動均者身雖煩熱今自得汗生傳曰始府入藏終陰復還陽故得汗

熱病七八日脉不喘其動均者生微熱在陽不入陰今自汗也熱病七八日脉不喘動數均者病當瘖期三日不得汗四日死熱病身面盡黃而腫心熱口乾舌卷焦黃黑身麻臭伏毒傷

肺中脾者死

熱病瘵癡狂言不得汗瘵癡不止伏毒傷肝中膽者死

熱病汗不出出不至足嘔膽吐血善驚不得卧伏毒在肝腑足少陽者死

熱病十逆死證第二十一

熱病腹滿腹脹身熱者不得大小便脈瀦小疾一逆見死

熱病腸鳴腹滿四肢清泚注脈浮大而洪不已二逆見死

熱病大衄不止腹中痛脈浮大絕喘而短氣三逆見死

熱病嘔且便血奪形肉身熱甚脈絕動疾四逆見死

熱病欬喘悸眩身熱脈小疾奪形肉五逆見死

熱病腹大而脹四肢清奪形肉短氣六逆見一旬內死

熱病腹脹便血脈大時時小絕汗出而喘口乾舌焦視不見

人七逆見一旬死

熱病身熱甚脉轉小欬而便血目眶陷妄言手循衣縫口乾躁擾不得卧八逆見一時死

熱病瘈瘲狂走不能食腹滿皆痛引腰脅背嘔血九逆見一時死

熱病嘔血喘欬煩滿身黃其腹鼓脹泄不止脉絕十逆見一時死

熱病五藏氣絕死日證第二十二

熱病肺氣絕喘逆欬唾血手足腹腫面黃振慄不能言語死魄與皮毛俱去故肺先死兩日篤丁日死

熱病脾氣絕頭痛嘔宿汁不得食嘔逆吐血水漿不得入狂言譫語腹大滿四肢不收意不樂死脉與肉氣俱去故脾先

死甲日篤乙日死

熱病心主氣絕煩滿骨痛

一作

噎腫不可咽欲欬不能欬歌

哭而笑死神與榮脉俱去故心先死壬日篤癸日死

熱病肝氣絕僵仆足不安地嘔血恐懼洒淅惡寒血妄出遺

屎溺死魄與筋血俱去故肝先死庚日篤辛日死

熱病腎氣絕喘悸吐逆腫疽尻癱目視不明骨痛短氣喘滿

汗出如珠死精與骨髓俱去故腎先死戊日篤己日死

故外見瞳子青小爪甲枯髮墮身澀齒挺而垢人皮面厚塵

黑欬而唾血渴欲數飲大瀉此五藏絕表病也

熱病至脉死日證第二十二

熱病脉四至二日死脉四至者平人一至病人脉四至也

熱病脉五至一日死時一大至半日死忽忽悶乱者死

熱病脈六至半日死忽急疾大至有頃死

熱病脈損日死證第二十四

熱病脈四損三日死所謂四損者平人四至病人脈一至名曰四損

熱病脈五損一日死所謂五損者平人五至病人脈一至名曰五損

熱病脈六損一時死所謂六損者平人六至病人脈一至名曰六損若絕不至或久乃至立死

治傷寒形證所宜進退晉王叔和集仲景評脈要論

新刊王氏脈經卷第七



新刊王氏脈經卷第八



朝散大夫守光祿卿直秘閣判登聞檢院護軍臣林億等類次

平卒中厥脈證第一

平瘧濕暍脈證第二

平陽毒陰毒百合狐惑脈證第三

平霍亂轉筋脈證第四

平中風歷節脈證第五

平血痺虛勞脈證第六

平消渴小便利淋脈證第七

平水氣黃汗氣分脈證第八

平黃疸寒熱瘧脈證第九

平胃痺心痛短氣責脉脉證第十

平腹滿寒疝宿食脉證第十一

平五藏積聚脉證第十二

平驚悸衄吐下血胃滿瘀血脉證第十三

平嘔噦下痢脉證第十四

平肺痿肺癰欬逆上氣喘飲脉證第十五

平癰腫腸癰金瘡侵淫脉證第十六

平卒尸厥脉證第一

寸口沈大而滑沈則為實滑則為氣實氣相搏血氣入於藏即死入於腑即愈此為卒厥不知人昏青身冷為入藏即死如身溫和汗自出為入腑而復自愈

平痙濕暍脉證第二

痙一
暍一

太陽病發熱無汗而反惡寒者名剛症

太陽病發熱汗出而不惡寒者名柔症惡寒一云

太陽病發熱其脈沈而細者為症

太陽病發其汗因致症論云發其汗多因致症

病者身熱足寒頸項強急惡寒時頭熱面赤目脈赤獨頭動

搖者為症論云獨頭面搖半口禁背反張者症病也

太陽病無汗而小便反少氣上衝冒口噤不得語欲作剛症

葛根湯主之

剛症為病皆滿口噤臥不著席脚攣急其人必齮齒可與大

承氣湯

症病發其汗已其脈冷冷如蛇暴腹脹大者為欲解脈如故

反伏弦者必症一云症脈出欲已

瘥脈來按之築築而弦直上下行

瘥家其脈伏堅直上下

夫風病下之則瘥復發其汗必拘急

太陽病其證備身體強凡凡然脈沈遲此為瘥括按桂枝湯

主之

瘥病有灸瘥難療

瘥家雖身疼痛不可發其汗汗出則瘥

太陽病關節疼痛脈沈而緩者為中濕

論云中濕為濕痺之候其人小便不利大

便反快但當利其小便

病者一身盡瘥

一云瘥煩

發熱日晡即劇此為風濕汗出所致也

論云此病傷於汗出當風或久傷取冷所致

濕家之為病一身盡瘥發熱而身色熏黃也

濕家之爲病其人但頭汗出而背強欲得被覆向火若下之
早則噦或首滿小便利不利云舌上如胎此爲丹田有熱背上
有寒渴欲飲而不能飲則口燥也

濕家下之額上汗出微喘小便利不利云者死者下利不止者
亦死

問曰風濕相搏身體痠痛法當汗出而解值天陰雨不止師
云此可發汗而其病不愈者何也荅曰發其汗汗大出者但
風氣去濕氣續在是故不愈若治風濕者發其汗微微似欲
出汗首則風濕俱去也

濕家身煩疼可與麻黃湯加木四兩發其汗爲宜慎不可以
火攻之

風濕脈浮身重汗出惡風者防已湯主之

病人喘頭痛暈塞而煩其脈大自能飲食腹中和無病病在

頭中寒濕故暈塞內藥暈中即愈論云濕家病身疼痛發熱面黃而喘頭痛暈塞而煩

傷寒八九日風濕相搏身體疼痛不能自轉側不嘔不渴脈

浮虛而澀者桂枝附子湯主之若其人大便鞭小便自利者

朮附子湯主之

風濕相搏骨節疼煩掣痛不得屈伸近之則痛劇汗出短氣

小便不利惡風不欲去衣或身微腫者甘草附子湯主之

太陽中熱暍是也其人汗出惡寒身熱而渴也白虎湯主之

太陽中暍身熱疼痛而脈微弱此以夏月傷冷水水行皮膚

中所致也瓜蒂湯主之

太陽中暍發熱惡寒身重而疼痛其脈弦細乳遲小便已洒

洒然毛聳手足逆冷小有勞身熱口前開板齒燥若發其汗

惡寒則甚加溫針則發熱益甚數下之淋復甚

平陽毒陰毒百合狐惑脈證第三

陽毒為病身重腰背痛煩悶不安狂言或走或見鬼或吐血
下痢其脉浮大數回赤斑斑如錦文喉咽痛唾膿血五日可
治至七日不可治也有傷寒一二日便成陽毒或服藥吐下
後變成陽毒升麻湯主之

陰毒為病身重背強腹中絞痛咽喉不利毒氣攻心心下堅
強短氣不得息嘔逆唇青面黑四肢厥冷其脉沈細緊數身
如被打五六日可治至七日不可治也或傷寒初病一二日
便結成陰毒或服藥六七日以上至十日變成陰毒甘草湯
主之

百合之為病其狀常默默欲臥復不能臥或如強健人欲得

出行而復不能行意欲得食復不能食或有美時或有不用
聞飲食臭時如寒無寒如熱無熱朝至口苦小便赤黃身形
如和其脉微數百脉一宗悉病各隨證治之百合病見於陰
者以陽法救之見於陽者以陰法救之見陽攻陰復發其汗
此爲逆其病難治見陰攻陽乃復下之此亦爲逆其病難治
千金方云見在於陰而攻其陽則陰不得解也復發其汗爲
逆也見在於陽而攻其陰則陽不得解也復下之其病不愈
狐感爲病其氣如傷寒默默欲眠目不得閉臥起不安蝕於
喉爲感蝕於陰爲狐狐感之病並不欲飲食聞食臭其面目
乍赤乍白乍黑其毒蝕於上者則聲啞其毒蝕下部者咽乾
蝕於上部瀉心湯主之蝕於下部苦參湯淹洗之蝕於肛者
雄黃熏之

其人脉數無熱微煩默默欲臥汗出初得二四日目赤如鳩

眼得之七八日目眴黃黑若能食者膿已成也赤小豆當歸散主之

病人或從呼吸上蝕其咽或從下膈蝕其肛陰蝕上為感蝕下為狐狐感病者猪苓散主之

平霍亂轉筋脈證第四

問曰病有霍亂者何師曰嘔吐而利此為霍亂

問曰病者發熱頭痛身體疼惡寒而復吐利當屬何病師曰當為霍亂霍亂吐利止而復發熱也傷寒其脈微澀本是霍亂今是傷寒却四五日至陰經上轉入陰必吐利

轉筋為病其人臂脚直脈上下行微弦轉筋入腹雞屎白散主之

夫風之爲病當半身不遂或但臂不遂者此爲痺脉微而數
中風使然

頭痛脉滑者中風風脉虛弱也

寸口脉浮而緊則爲寒浮則爲虛虛寒相搏邪在皮膚浮
者血虛絡脉空虚賊邪不瀉或左或右邪氣反緩正氣則急
正氣引邪喎僻不遂邪在於絡肌膚不仁邪在於經則重不
勝邪入於腑則不識人邪入於藏舌即難言口吐於涎

寸口脉遲而緩遲則爲寒緩則爲虛榮緩則爲亡血衛遲則
爲中風邪氣中經則身疼而癢羸心氣不足邪氣入中則骨
滿而短氣

跌陽脉浮而滑滑則穀氣實浮則汗自出

少陰脉浮而弱弱則血不足浮則爲風風血相搏則疼痛如掣

盛入脉滯小短氣自汗出歷節疼不可屈伸此皆飲酒汗出當風所致也

寸口脉沈而弱沈則主骨弱則主筋沈則為腎弱則為肝汗出入水中如水傷心歷節黃汗出故曰歷節也味酸則傷筋筋傷則緩名曰泄賊則傷骨骨傷則痿名曰枯枯泄相搏名曰斷泄茶氣不通衛不獨行茶衛俱微三焦無所御四屬斷絕身體羸瘦獨足腫大黃汗出脛冷假令發熱便為歷節也病歷節疼痛不可屈伸烏頭湯主之

諸肢節疼痛身體魁濼脚腫如脫頭眩短氣温温欲吐桂枝芍藥知母湯主之

平血痺虛勞脉證第六

問曰血痺從何得之師曰夫尊榮人骨弱肌膚盛重因疲勞

汗出臥不時動搖加被微風遂得之形如風狀集源云其狀如被微風所吹但以脈自微濇在手口關上小緊宜針引陽氣令脈和緊去則愈

血痺陰陽俱微寸口閉主微尺中小緊外證身體不仁如風狀黃耆桂五物湯主之

夫欲治病當先知其證何趣乃當攻之耳

男子平人脈大為勞極虛亦為勞

男子勞之為病其脈浮大手足暖春夏劇秋又差陰寒精自出酸削不能行少陰虛滿

人年五十六十其脈浮大者痺俠背行苦腸鳴馬刀俠嬰者皆為勞得之

男子平人脈虛弱細微者喜盜汗出也

男子面色薄者主渴及亡血卒喘悸其脉浮者裏虛也

男子脉虛沈弦無寒熱短氣裏急小便不利面色白時時目瞑此人喜衄少腹滿此為勞使之然

男子脉微弱而澀為無子精氣清冷

夫失精家少腹弦急陰頭寒目眩痛目眩一云云髮落脉極虛乳遲

為清穀亡血失精

脉得諸乳動微緊男子失精女子夢交通桂枝加龍骨牡蠣

湯主人

脉沈小遲名脫氣其人疾行則喘喝手足逆寒腹滿甚則溇

泄食不消化也

脉弦而大弦則為臧大則為芤臧則為寒芤則為虛寒虛相

搏此名為華婦人則半產漏下男子則亡血失精

平消渴小便利淋脉證第七

師曰厥陰之爲病消渴氣上衝心中疼熱飢而不欲食食即吐下之不肯止

寸口脉浮而遲浮則爲虛遲則爲勞虛則衛氣不足遲則榮

氣竭跌陽脉浮而數浮則爲氣數則消穀而緊要緊氣盛

則溲數溲數則緊要緊數相搏則爲消渴

男子消渴小便反多以飲一斗小便一斗腎氣圓主之

師曰熱在一作結下臍則溺血亦令人淋閉不通淋之爲病小

便如粟狀少腹弦急痛引臍中寸口脉細而數數則爲熱細

則爲寒數爲強吐趺陽脉數胃中有熱則消穀引食大便必

堅小便則數少陰脉數婦人則陰中生瘡男子則氣淋

淋家不可發汗發汗則必便血

平水氣黃汗氣分脈證第八

師曰病有風水有皮水有正水有石水有黃汗風水其脈自浮外證骨節疼痛其人惡風皮水其脈亦浮外證肘腫按之沒指不惡風其腹如鼓如鼓一作不不渴當發其汗正水其脈沈遲外證自喘石水其脈自沈外證腹滿不喘黃汗其脈沈遲身體發熱骨滿四肢頭面腫久不愈必致癰膿

脈浮而洪浮則爲風洪則爲氣風氣相搏風強則爲癰癰身體爲瘡瘡爲泄風久爲癰癰氣強則爲水難以俛仰風氣相擊身體洪腫汗出乃愈惡風則虛此爲風水不惡風者小便通利上脘有寒其口多涎此爲黃汗

寸口脈沈滑者中有水氣面目腫大有熱名曰風水視人之目裏上微擁如新臥起狀其頸脈動時時欬按其手足上陷

而不起者風水太陽病脉浮而緊法當骨節疼痛而反不疼
身體反重而酸其人不渴汗出即愈此爲風水惡寒者此爲
極虛發汗得之渴而不惡寒者此爲皮水身腫而冷狀如周
痺背中空不能食反聚痛暮蹠不眠此爲黃汗痛在骨節欬
而喘不渴者此爲脾脹其形如腫發汗即愈然諸病此者渴
而下利小便數者皆不可發汗

風水其脉浮浮爲在表其人能食頭痛汗出表無佗病病者
言但下重故從腰以上爲和腰以下當腫及陰難以屈伸防
已黃者湯主之

一云風水脉浮身重汗出
惡風者防已黃者湯主之

風水惡風一身悉腫脉浮不渴續自汗出而無大熱者越婢
湯主之

師曰裏水者一身面目洪腫其脉沈小便不利故令病水假

如小便自利亡津液故令渴也越婢如木湯主之

一云皮水其脈沈頭

而浮腫小便不利故令渴也

令小便自利亡津液故令渴也

皮水之為病四肢腫水氣在皮膚中四肢聳動者防已茯苓湯主之

跌陽脈當伏今反緊本自有寒疝瘕腹中痛醫反下之下之

則胃滿短氣

跌陽脈當伏今反數本自有熱消穀一作消渴小便數今反不利

此欲作水

寸口脈浮而遲浮脈熱遲脈潛熱潛相搏名曰沈跌陽脈浮而數浮脈熱數脈止熱止相搏名曰伏沈伏相搏名曰水沈則絡脈虛伏則小便難虛難相搏水走皮膚則為水矣

寸口脈弦而緊弦則衛氣不行衛氣不行則惡寒水不沾流

走在腸間

少陰脈緊而沈緊則為痛沈則為水小便即難師曰脈得諸沈者當責有水身體腫重水病脈出者死

夫水病人目下有卧蠱面目鮮澤脈伏其人消渴病水腹大小便不利其脈沈絕者有水可下之

問曰病下利後渴飲水小便不利腹滿因腫者何也

答曰此法當病水若小便自利及汗出者自當愈

水之為病其脈沈小屬少陰浮者為風無水虛脹者為氣水發其汗即已沈者與附子麻黃湯浮者與杏子湯

心水者其身重而少氣不得卧煩而躁其陰大腫

肝水者其腹大不能自轉側脇下腹中痛時時津液微生小便續通

肺水者其身腫小便難時時鴨澹

脾水者其腹大四肢苦重津液不生但苦少氣小便難

腎水者其腹大臍腫腰痛不得溺陰下濕如牛鼻上汗其足

逆冷面又瘦便反堅

云大

師曰諸有水者腰以下腫當利小便腰以上腫當發汗乃愈
師曰寸口脈沈而遲沈則為水遲則為寒寒水相搏跌陽脈
伏水穀不化脾氣衰則驚澹胃氣衰則身腫

少陽脈卑少陰脈細男子則小便不利婦人則經水不通經
為血血不利則為水名曰血分

水二分

問曰病者若水面目身體四肢皆腫小便不利師脈之不言

水反言背中痛氣上衝咽狀如多肉當微欬喘審如師言其

脈何類師曰寸口脈沈而緊沈為水緊為寒沈緊相搏結在

關元始時當微年盛不覺陽衰之後榮衛相干陽損陰盛結
寒微動緊氣上衝喉咽塞膈下急痛醫以爲留飲而大下
之氣擊不去其病不除後重吐之胃家虛煩咽躁欲飲水小
便不利水穀不化面目手足浮腫又與葶蘆丸下水當時如
小差食飲過度腫復如前背脇苦痛象若奔豚其水揚溢則
浮欬喘逆當先攻擊衝氣令止乃治效效止自喘自差先治
新病病當在後

黃汗之病身體洪腫

一作重

發熱汗出而渴

而渴一作不渴

狀如風水

汗沾衣色正黃如藥汗其脈自沈

問曰黃汗之病從何得之師曰以汗出入水中浴水從汗孔
入得之黃耆芍藥桂枝苦酒湯主之

黃汗之病兩脛自冷假令發熱此屬歷節食已汗出又身常

暮卧盜汗出者此勞氣也若汗出已反發熱者久久其身必
甲錯發熱不止者必生惡瘡若身重汗出已輒輕者久久必
身暈暈則脊中痛又從腰以上必汗出下無汗腰寬弛痛如
有物在皮中狀劇者不能食身疼重煩躁小便不利此為黃
汗桂枝加黃耆湯王之

寸口脈遲而濇遲則為寒濇為血不足跌陽脈微而遲微則
為氣遲則為寒寒氣不足則手足逆冷手足逆冷則榮衛不
利榮衛不利則腹滿脇鳴相逐氣轉膀胱榮衛俱勞陽氣不
通則身冷陰氣不通則骨疼陽前通則惡寒陰前通則痺不
仁陰陽相得其氣乃行大氣一轉其氣乃散實則失氣虛則
遺溺名曰氣分氣分心下堅大如盤邊如旋杯水飲所作桂
枝去芍藥加麻黃細辛附子湯主之

心下堅大如盤邊如旋盤水飲所作枳實木湯主之

平黃疸寒熱瘧脈證第九

凡黃候其寸口脈近掌無脈口鼻冷並不可治脈沈渴欲飲水小便不利者皆發黃

腹滿舌痿黃躁不得睡屬黃家

師曰病黃疸發熱煩喘首滿口躁者以發病時火劫其汗兩熱所得然黃家所得從濕得之一身盡發熱而黃肚熱熱在裏當下之

師曰黃疸之病當以十八日爲期治之十日以上爲差反劇爲難治

又曰疸而渴者其疸難治疸而不渴者其疸可治發於陰部其人必嘔發於陽部其人振寒而發熱也

師曰諸病黃家但利其小便假令脈浮當以汗解之宜桂枝加黃耆湯又男子黃小便自利當與小建中湯

黃疸腹滿小便不利而赤自汗出此爲表和裏實當下之宜大黃黃蘗梔子芒消湯

黃疸病小便色不變欲自利腹滿而喘不可除熱熱除必噦噦者小半夏湯主之

夫病酒黃疸必小便不利其喉心中熱足下熱是其證也心中懊懣而熱不能食時欲吐名曰酒疸

酒黃疸者或無熱靖言了之腹滿欲吐鼻燥其脈浮者先吐之沈弦者先下之

酒疸心中熱欲嘔者吐之即愈

酒疸黃色心下結熱而煩

酒疸下之久久爲黑疸目青面黑心中如噉蒜齏狀大便正黑皮膚爪之不仁其脈浮弱雖黑微黃故知之

寸口脈微而弱微則惡寒弱則發熱當發不發骨節疼痛當煩不煩而極汗出跌陽脈緩而遲胃氣反強

少陰脈微微則傷精陰氣寒冷少陰不足穀氣反強飽則煩滿滿則發熱客熱消穀發已復飢熱則腹滿微則傷精穀強則瘦名曰穀寒熱

陽明病脈遲者食難用飽飽則發煩頭眩者必小便難此欲作穀疸雖下之腹滿如故所以然者脈遲故也

師曰寸口脈浮而緩浮則爲風緩則爲痺痺非中風四肢苦煩脾色必黃瘀熱以行

跌陽脈緊而數數則爲熱熱則消穀緊則爲寒食即滿也尺

脉浮爲傷腎，趺陽脈緊爲傷脾。風寒相搏，食穀則眩，穀氣不消，胃中苦濁，濁氣下流，小便不通，陰被其寒，熱流膀胱，身體盡黃，名曰穀疸。

額上黑微汗，出手足中熱，薄暮則發，膀胱急，小便自利，名曰女勞。疸腹如水狀，不治。

黃家日晡所發熱而反惡寒，此爲女勞得之。膀胱急，少腹滿，身盡黃，額上黑，足下熱，因作黑疸。其腹脹如水狀，大便必黑，時溇。此女勞之病，非水也。腹滿者難治，消石礬石散主之。

夫瘧脉自弦也。弦數者多熱，弦遲者多寒。弦小緊者可下之，弦遲者可溫藥。若脉緊數者可發汗，針灸之。浮大者吐之，脉弦數者風發也。以飲食消息之。

瘧病結爲癥瘕，名曰瘧母。鼈甲煎圓主之。

瘧但見熱者溫瘧也其脈平身無寒但熱骨節疼煩時嘔朝發暮解暮發朝解名曰溫瘧白虎加桂枝湯主之
瘧多寒者牡瘧也蜀漆散主之

平瘧痺心痛短氣黃脈脈證第十

師曰夫脈當取太過與不及陽微陰弦則瘧痺而痛所以然者責其極虛也今陽虛知在上膈所以瘧痺心痛者以其脈陰弦故也

瘧痺之病喘息欬唾骨節痛短氣寸口脈沈而遲關上小緊數者枯樓薤白白酒湯主之

平人無寒熱短氣不足以息者實也

黃脈病者從少腹起上衝咽喉發作時欲死復止皆從驚得
其氣上衝膺腹痛及往來寒熱黃脈湯主之

師曰病有貴脈有壯腹有驚怖有火邪此四部病皆從驚發得之

平腹滿寒疝宿食脈證第十一

跌陽脈微弦法當腹滿不滿者必下部閉塞大便難兩胛云脚疼痛此虛寒從下上也當以溫藥服之

病者腹滿按之不痛為痞痛者為實可下之舌黃未下者下之黃自去腹滿時減減復如故此為寒當與溫藥

跌陽脈緊而浮緊則為痛浮則為虛虛則腸鳴緊則堅滿雙脈弦而逢者必心下堅脈大而緊者陽中有陰也可下之病腹中滿痛為實當下之

腹滿不減減不足言當下之

病腹滿發熱數十日脈浮而數飲食如故厚朴三物湯主之

寸口脉遲而緩遲則為寒緩即為氣氣寒相搏轉絞而痛
寸口脉遲而澀遲為寒澀為無血

夫中寒家喜大其人清涕出發熱色和者善噎

中寒其人下利以裏虛也欲噎不能此人肚中寒一作痛

夫瘦人繞臍痛必有風冷穀氣不行而反下之其氣必衝不
衝者心下則痞

寸口脉弦者則脇下俱急而痛其人齋齋惡寒也

寸口脉浮而滑頭中痛眩陽脉緩而遲緩則為寒遲則為虛
虛寒相搏則欲食温假令食冷則咽痛

寸口脉微尺中緊而澀緊則為寒微則為虛澀則血不足故
知發汗而復下之也緊在中央知寒尚在此本寒氣何為發
汗復下之耶

夫脉浮而緊乃弦狀如弓弦按之不移脉數弦者當下其寒
脇下偏痛其脉緊弦此寒也以温藥下之宜大黃附子湯

寸口脉弦而緊弦則衛氣不行衛氣不行則惡寒緊則不欲
食弦緊相搏則為寒疝

跌陽脉浮而逢浮則為風虛遲則為寒疝寒疝繞臍痛若發
則白汗出手足厥寒其脉沈弦者大烏頭湯主之

問曰人病有宿食何以別之師曰寸口脉浮大按之反澀尺
中亦微而澀故知有宿食

寸口脉緊如轉索左右無常者有宿食

寸口脉緊即頭痛風寒或腹中有宿食不化

脉滑而數者實也有宿食當下之

下利不欲食者有宿食當下之

大下後六七日不大便煩不解腹滿痛此有燥屎也所以然者本有宿食故也

宿食在上管當吐之

平五藏積聚脈證第十二

問曰病有積有聚有繫氣繫一作穀下同何謂也師曰積者藏病也終不移聚者腑病也發作有時展轉痛移為可治繫氣者脇下痛按之則愈愈復發為繫氣夫病已愈不得復發今病復發即為繫氣也

諸積大法脈來細而附骨者乃積也細一作結寸口積在臂中微出寸口積在喉中關上積在臍傍上關上積在心下微下關積在少腹尺積在氣街脈出在左積在左脈出在右積在右脈兩出積在中央各以其部處之

診得肺積脈浮而毛按之碎易脇下氣逆背相引痛少氣善
忘目瞑皮膚寒秋差夏劇主皮中時痛如蟲緣之狀甚者如
針刺時養其色白

診得心積脈沈而孔上下無常處病皆滿悸腹中熱面赤噎
乾心煩掌中熱甚即唾血主身癆癘主血厥夏差冬劇其色赤
診得脾積脈浮大而長飢則減飽則見臍起與穀爭減心下
累累如桃李起見於外腹痛嘔泄腸鳴四肢重足脛腫厥不
能卧是主肌肉損其色黃

診得肝積脈弦而細兩脇下痛邪走心下足腫寒脇痛引少
腹男子積疝女子瘕淋身無膏澤喜轉筋爪甲枯黑春差秋
劇其色青

診得腎積脈沈而急脊與腰相引痛飢則見飽則減少腹

裏急口乾咽腫傷爛目眈眈骨中寒主髓厥善忘其色黑

寸口脉沈而橫者脇下及腹中有橫積痛其脉弦腹中急痛

腰背痛相引腹中有寒疝瘕脉弦緊而微細者瘕也夫寒痺

瘕瘕積聚之脉皆弦緊若在心下即寸弦緊在胃管即關弦

緊在臍下即尺弦緊一曰關脉弦長有積在臍左右上下也

又脉瘕法左手脉橫瘕在左右手脉橫瘕在右脉頭大者在

上頭小者在下

又法橫脉見左積在右見右積在左偏得洪實而滑亦為積

弦緊亦為積為寒痺為疝痛內有積不見脉難治見一脉作

脇相應為易治諸不相應為不治

左手脉大右手脉小上病在左脇下病在左足

右手脉大左手脉小上病在右脇下病在右足

脈弦而伏者腹中有癥不可轉也必死不治

脈來細而沈時直者身有癰腫若腹中有伏梁

脈來小沈而實者胃中有積聚不下食食即吐

平驚悸衄吐下血骨滿瘀血脈證第十三

寸口脈動而弱動則為驚弱則為悸

跌陽脈微而浮浮則胃氣虛微則不能食此恐懼之脈憂迫

所作也驚生病者其脈止而復來其人目睛不轉不能呼氣

寸口脈緊跌陽脈浮胃氣則虛

寸口脈緊寒之實也寒在足臍骨中必滿而噫胃氣虛者跌

陽脈浮少陽脈緊心下必悸何以言之寒水相搏二氣相爭

是以悸

脈得諸瀝濡弱為亡血

寸口脉弦而大弦則為疴大則為乳減則為寒乳則為虛寒
虛相搏此名為革婦人則半產漏下男子則亡血

亡血家不可攻其表汗出則寒慄而振

問曰病衄連日不止其脉何類師曰脉來輕輕在肌肉尺中

自溢

一云尺脉浮

目睛暈黃衄必未止暈黃去目睛慧了知衄今止

師曰從春至夏發衄者太陽從秋至冬發衄者陽明

寸口脉微弱尺脉澀弱則發熱澀為無血其人必厥微嘔夫

厥當眩不眩而反頭痛痛為實下虛上實必衄也

太陽脉大而浮必衄吐血

病人面無血色無寒熱脉沈弦者衄也

衄家不可發其汗汗出必額上促急而緊直視而不能胸不

得眠

脈浮弱手按之絕者下血煩數者必吐血

寸口脈微而弱氣血俱虛男子則吐血女子則下血嘔吐汗出者為可

跌陽脈微而弱春以胃氣為本吐利者為可不者此為有水氣其腹必滿小便則難

病人身熱脈小絕者吐血若下血婦人亡經此為寒脈逆者脊上有寒慄氣喜噦

脈有陰陽跌陽少陰脈皆微其人不吐下必亡血

脈沈為在裏榮衛內結皆滿必吐血

男子盛大其脈陰陽微跌陽亦微獨少陰浮大必便血而失精設言淋者當小便不利

跌陽脈弦必腸痔下血

病人背滿脣痿舌青口燥其人但欲漱水不欲嚥無寒熱脈
微大來遲腹不滿其久言我滿爲有瘀血當汗出不出內結
亦爲瘀血病者如熱狀煩滿口乾燥而渴其脈反無熱此爲
陰伏是瘀血也當下之

下血先見血後見便此近血也先見便後見血此遠血也

平嘔吐噦下利脈證第十四

嘔而脈弱小便復利身有微熱見厥者難治

跌陽脈浮者胃氣虛寒氣在上憂氣在下一氣並爭但出不
入其人即嘔而不得食恐怖而死寬緩即差

夫嘔家有癰膿者不可治嘔膿盡自愈

先嘔却渴者此爲欲解先渴却嘔者爲水停心下此厲飲家
嘔家本渴今反不渴者以心下有支飲也

問曰病人脈數數為熱當消穀引食而反吐者何也

師曰以發其汗令陽微膈氣虛脈乃數數為客熱不能消穀胃中虛冷故吐也

陽緊陰數其人食已即吐陽浮而數亦為吐

寸緊尺澀其人肯滿不能食而吐吐止者為下之故不能食設言未止者此為胃反故尺為之微澀也

寸口脈緊而芤緊則為寒芤則為虛虛寒相搏脈為陰結而遲其人則噎閉上脈數其人則吐

脈弦者虛也胃氣無餘朝食暮吐變為胃反寒在於上醫反下之今脈反弦故名曰虛

跌陽脈微而澀微則下利澀則吐逆穀不得入也

寸口脈微而數微則無氣無氣則柔虛柔虛則血不足血不

足則胃中冷跌陽脈浮而澀浮則爲虛澀則傷脾脾傷則不
磨朝食暮吐暮食朝吐宿穀不化名曰胃反脈緊而澀其病
難治

夫吐家脈來形狀如瀉即起

病人欲吐者不可下之

嘔吐而病在膈上後思水者解急與之思水者猶苓散主之
噦而腹滿視其前後知何部不利利之即愈

夫六腑氣絕於外者手足寒上氣腳縮五藏氣絕於內者下
利不禁下甚者手足不仁

下利脈沈弦者下重其脈大者爲未止脈微弱數者爲欲自
止雖發熱不死

脈滑按之虛絕者其人必下利

下利有微熱其人過脈弱者今自愈

下利脈數若微發熱汗自出者自愈設脈復緊為未解

下利寸脈反浮數尺中自澀其人必清膿血

下利手足厥無脈灸之不溫若脈不還反微喘者死

少陰負跌陽者為順也

下利脈數而浮一作渴者今自愈設不差其人必清膿血以有

熱故也

下利後脈絕手足厥冷時時脈還手足溫者生脈不還者死

下利脈反弦發熱身汗者自愈

下利氣者當利其小便

下利清穀不可攻其表汗出必脹滿其藏寒者當下之

下利脈沈而遲其人面少赤身有微熱

下利清穀必鬱冒汗出而解其人微厥所以然者其面戴陽下虛故也

下利腹脹病身體痛先溫其裏乃攻其表

下利脈遲而滑者實也利未欲止當下之

下利脈反滑者當有所去下乃愈

下利差至其年月日時復發此爲病不盡當復下之

下利而譫語者爲有燥屎也宜下之

下利而腹痛滿爲寒實當下之

下利腹中堅者當下之

下利後更煩按其心下濡者爲虛煩也

下利後脈三部皆平按其心下堅者可下之

下利脈浮大者虛也以強下之故也設脈浮革因爾腸鳴當

溫之

病者痿黃躁而不渴胃中寒實而下利不止者死
夫風寒下者不可下之下之後心下堅痛脈遲者爲寒但當
溫之脈沈緊下之亦然膠夫浮弦下之當已

平肺痿肺癰欬逆上氣痰飲脈證第十五

問曰熱在上臆者因欬爲肺痿肺癰之病從何得之

師曰或從汗出或從嘔吐或從消渴小便數或從便難數
被駛藥下利重亡津液故得之

寸口脈不出而反發汗陽脈空索陰脈不澀三焦踰入而
不出陰脈不澀身體反冷其內反煩多唾唇燥小便反難此
爲肺痿傷於津液便如爛瓜亦如脈腦但坐發汗故也

肺痿其人欲欬不得欬欬則出乾沫久久小便不利甚則脈

浮弱

肺痿吐涎沫而不效者其人不渴必遺溺小便數所以然者以上虛不能制下也此為肺中冷必眩多涎唾甘草乾姜湯以溫其藏

師曰肺痿效唾咽燥欲飲水者自愈自張口者短氣也

效而口中自有津液舌上胎滑此為浮寒非肺痿也

問曰寸口脈數其人效口中反有濁唾涎沫者何也

師曰此為肺痿之病若口中辟辟燥效則膈中隱隱痛脈反

滑數此為肺癰

效唾膿血脈數虛者為肺痿脈數實者為肺癰

問曰病效逆脈之何以知此為肺癰當有膿血吐之則死後

竟吐膿死其脈何類

師曰寸口脉微而數微則爲風數則爲熱微則汗出數則惡寒風中於衛呼氣不入熱過於榮吸而不出風傷皮毛熱傷血脉風舍於肺其人則欬口乾喘滿咽燥不渴多唾濁沫時振寒熱之所過血爲凝滯畜結癰膿吐如米粥始萌可救膿成則死

欬而曾滿振寒脉數咽乾不渴時時出濁唾腥臭久久吐膿如粳米粥者爲肺癰桔梗湯主之

肺癰曾滿脹一身面目浮腫鼻寒鼻涕出不聞香臭酸辛欬逆上氣喘鳴迫塞葶藶大棗瀉肺湯主之

寸口脉數趺陽脉緊寒熱相搏故振寒而欬趺陽脉浮緩胃氣如經此爲肺癰

問曰振寒發熱寸口脉滑而數其人飲食起居如故此爲癰

腫病醫反不知而以傷寒治之應不愈也何以知有膿膿之所在何以別知其處

師曰假令膿在背脊中者為肺癰其人脈數欬唾有膿血設膿未成其脈自緊數緊去但數膿為已成也

夫病吐血喘欬上氣其脈數有熱不得卧者死上氣面浮腫有息其脈浮大不治又加利尤甚上氣躁而喘者屬肺脹欲

作風水發汗則愈

一云欬而上氣肺脹其脈沈心下有水氣也芟畧千金外臺沈作浮

夫酒客欬者必致吐血此坐極飲過度所致也

欬家脈弦為有水可與十棗湯下之欬而脈浮其人不可不食如是四十日乃已

十一云三

欬而時發執脈卒弦者非虛也

此為背脊中寒實所致也當吐之欬家其脈弦欲行吐藥當相人強弱而無熱乃可吐之其脈沈者不可發汗又欬數歲其

脈弱者可治實大數者不可治其脈虛者必苦冒其人本有支飲在胃中故也治屬飲家

問曰夫飲有四何謂也師曰有淡飲留飲有懸飲有溢飲有支飲問曰四飲何以爲異師曰其人素盛今瘦水走腸間漑漑有聲謂之淡飲飲後水流在脇下欬唾引痛謂之懸飲飲水流行歸於四肢當汗出而不汗出身體疼重謂之溢飲欬逆倚息短氣不得卧其形如腫謂之支飲

留飲者脇下痛引缺盆欬轉盛

輒已

胃中有留飲其人短氣而渴四肢歷節痛其脈沈者有留飲夫心下有留飲其人背寒冷大如手

病者脈伏其人欲自利利者反快雖利心下續堅滿此爲留飲欲去故也甘遂半夏湯主之

病淡飲者當以溫藥和之

心下有淡飲脅脇支滿目眩甘草

草作遂

湯主之

病溢飲者當發其汗小青龍湯主之

支飲亦喘而不能卧加短氣其脈平也

膈間支飲其人喘滿心下痞堅面色黧黑其脈沈緊得之數

十日醫吐下之不愈木防己湯主之

心下有支飲其人苦冒眩澤瀉湯主之

嘔家本渴渴者為欲解今反不渴心下有支飲故也小半夏

湯主之

夫有支飲家欬煩脅中痛者不卒死至一百日或一歲可與

十棗湯

膈上之病滿喘欬吐發則寒熱背痛腰疼目泣自出

目位自出一作

目眩其人振振身瞤必有伏飲

夫病人飲水多必暴喘滿凡食少飲多心下水停甚者則悸
微者短氣

脈變弦者寒也皆天下後喜虛脈偏弦者飲也肺飲不弦但
喜喘短氣

病人一臂不隨時復轉移在一臂其脈沈細非風也必有飲
在上樵其脈虛者爲微勞榮衛氣不周故也又又自差二二

腹滿口苦乾燥此腸間有水氣也防已椒目葶藶大黃丸主之
假令瘦人臍下悸吐涎沫而癩眩者水也五苓散主之

先渴却嘔爲水停心下此爲飲家半夏加茯苓湯主之

水在下心下堅築短氣惡水不欲飲水在肺吐涎沫欲飲水

水在脾少氣身重水在肝脇下支滿噎而痛水在腎心下悸

平癰腫腸癰金瘡侵淫脈證第十六

脈數身無熱內有癰也

一二六脈无積聚身體一本作无熱脈數此為腸有膿意以附于敗醬湯主之

諸浮數脈應當發熱而反洒淅惡寒若有痛處當發其癰

脈微而遲必發熱弱而數為振寒當發癰腫

脈浮而數身體無熱其形嘿嘿背中微躁一作胃不知痛之

所在此人當發癰腫

脈滑而數數則為熱滑則為實滑則主榮數則主衛榮衛相

逢則結為癰熱之所過則為膿也

師曰諸癰腫欲知有膿與無膿以手掩腫上熱者為有膿不

熱者為無膿

問曰官羽林婦病醫脈之何以知婦人腸中有膿為下之則

愈師曰寸口脈滑而數滑則為實數則為熱滑則為榮數則

爲衛衛數下降榮滯上昇榮衛相干血爲濁敗少腹痛堅小便或澀或時汗出或復惡寒膿爲已成設脈遲緊聚爲瘀血血下則愈

腸癰之爲病其身體甲錯腹皮一作支急按之濡如腫狀腸癰

者少腹腫按之則痛小便數如淋時時發熱自汗出復惡寒其脈遲緊者膿未成可下之當有血脈洪數者膿已成不可下也大黃牡丹湯主之

問曰寸口脈微而澀法當亡血若汗出設不汗者云何

答曰若身有瘡被刃器所傷亡血故也

侵淫瘡從口起流向四肢者可治從四肢流來入口者不可治之

新刊王氏脉經卷第八

紫

瑞

可

新刊

新刊王氏脈經卷第九

朝散大夫守光祿卿直祕閣判醫官檢院上護軍臣林億等類次

平妊娠分別男女將產諸證第一

平妊娠胎動血分水分吐下腹痛證第二

平產後諸病鬱冒中風發熱煩嘔下利證第三

平帶下絕產無子宮血居經證第四

平鬱冒五崩漏下經閉不利腹中諸病證第五

平咽中如有多腐喜悲熱入血室腹滿證第六

平陰中寒轉胞陰吹陰生瘡脫下證第七

平婦人病生死證第八

平小兒雜病證第九

平妊娠分別男女將產諸證第一

脈平而虛者乳子法也經云陰搏陽別謂之有子此是血氣和調陽施陰化也診其手少陰脈動甚者妊子也少陰心脈也心主血脈又腎名胞門子口尺中腎脈也尺中之脈按之不絕法妊娠也三部脈沈浮平等按之無絕者有娠也妊娠初時寸微小呼吸五至三月而尺數也脈滑疾重以手按之散者胎已三月也脈重手按之不散但疾不滑者五月也婦人妊娠四月欲知男女法左疾爲男右疾爲女俱疾爲生二子

又法得太陰脈爲男得太陽脈爲女太陰脈沈太陽脈浮

又法左手沈實爲男右手浮大爲女左右手俱沈實猥生二男左右手俱浮大猥生二女

又法尺脈左偏大爲男右偏大爲女左右俱大產二子大者如

實狀

又法左右尺俱浮爲產一男不爾則女作男生左右尺俱沈爲產二女不爾則男作女生也

又法遣妊娠人面南行遷後呼之左廻首者是男右廻首者是女也

又法看上圍時夫從後急呼之左廻首是男右廻首是女也

又法婦人妊娠其夫左乳房有核是男右乳房有核是女也

婦人懷娠離經其脉浮設腹痛引腰脊爲今欲生也但離經者不病也

又法婦人欲生其脉離經夜半覺日中則生也

平妊娠胎動血分水分吐下腹痛證第二

婦人懷胎一月之時足厥陰脉養二月足少陽脉養三月手心

師曰乳後三月有所見後三月來脈無所見此便是軀有兒者護之恐病利也何以故懷妊陽氣內養乳中虛冷故令兒利

婦人懷娠六月七月脈弦發熱其胎踰腹腹痛惡寒者小腹如翳之狀所以然者子藏閉故也當以附子湯溫其藏

婦人懷娠七月脈實大牢強弦者生沈細者死

婦人懷娠八月脈實大牢強弦緊者生沈細者死

婦人懷軀六月七月暴下斗餘水其胎必倚而墮此非時孤漿預下故也

師曰寸口脈洪而瀦洪則爲氣瀦則爲血氣動丹田其形即溫瀦在於下胎冷若水陽氣胎活陰氣必終欲別陰陽其下必殭假令陽終畜然若杯

問曰婦人懷娠病師脈之何以知此婦人雙胎其一獨死其一

王脉養四月手少陽脉養五月足太陰脉養六月足陽明脉養
七月手太陰脉養八月手陽明脉養九月足少陰脉養十月足
太陽脉養諸陰陽各養二十日活兒手太陽少陰不養者下主
月水上為乳汗活兒養母懷娠者不可灸刺其經必墮胎

婦人懷娠三月而渴其脉反遲者欲為水分復腹痛者必墮胎
○脉浮汗出者必閉其脉數者必發癰脹五月六月脉數者必
向壞脉緊者必胞漏脉遲者必腹滿而喘脉浮者必水壞為腫
○問曰有一婦人年二十所其脉浮數發熱嘔欬時下利不欲
食脉復浮經水絕何也師曰法當有娠何以故此虛家法當微
弱而反浮數此為戴陽陰陽和合法當妊娠到立秋熱當自去
何以知然數則為熱二者是火火是木之子死於未未為六月
位土王火休廢陰氣生秋節氣至火氣當罷熱自除去其病愈

獨生而爲下其死者其病即愈然後竟免軀其脉何類別之
。師曰寸口脉衛氣平調榮氣緩舒陽施陰化精盛有餘陰陽
俱盛故成雙軀今少陰微緊血即濁凝經養不周胎則偏夭少
腹冷滿膝臢疼痛腰重起難此爲血理若不早去害母失胎
師曰婦人有胎腹痛其人不安若胎病不長欲知生死令人摸
之如覆杯者則男如肘頭參差起者女也冷在何面冷者爲死
溫者爲生

師曰婦人有漏下者有中後因續下血都不絕者有妊娠下
血者假令妊娠腹中痛爲胞漏阻一云膠艾湯主之

婦人妊娠經斷三月而得漏下血四十日不止胎欲動在於
臍上此爲妊娠六月動者前三月經水利時胎也下血者後斷
三月衄也所以下血不止者其微不去故也當下其癥宜桂枝

茯苓圓

問曰婦人病經水斷一月而反經來今脈反微澀何也師曰
比前月中若當下利故令妨經利止月經當自下此非軀也
婦人經自斷而有軀其脈反弦恐其後必大下不成軀也
婦人懷軀七月而不可知時之衄血而轉筋者此為軀也衄時
嚏而動者非軀也

脈來近去遠故曰反以為有軀而反斷此為有陽無陰故也

婦人經月下但為微少師脈之反言有軀其後審然其脈何類
何以別之師曰寸口脈陰陽俱平榮衛調和按之滑浮之則輕
陽明少陰各如經法身反洒淅不欲食飲頭痛心亂嘔噦欲吐
呼則微數吸則不驚陽多氣溢陰滑氣盛滑則多實六經養成
所以月見陰見陽精汁疑胞散散者損墮設復陽盛雙姪二胎

今陽不足故令激經也

婦人妊娠小便難飲如故當歸貝母苦參圓主之

婦人妊娠有水氣身重小便不利洒灑惡寒起即頭眩葵子茯苓散主之

苓散主之

婦人妊娠宜服當歸散即易產無疾苦

師曰有一婦人來診脈身道經斷不來師言一月為血二月

為血三月為居經是定作軀也或為血積譬如雞乳子熟者為

祿寒者多濁且當須後月復來經當入月幾日來假令以七日

所來因言且須後月十日所來相間設其主復來者因脈之脈

反沈而瀆因問曾經半生若漏下亡血者定為有軀其人言實

有宜是當護之今經微弱恐復不安設言當奈何當為合藥以

治之

師曰有一婦人來診自道經斷即去師曰一月血爲閉二月若有若無三月爲血積譬如雞伏子中寒即濁中熱即祿欲令胎壽當治其母使寒懷子命則不壽也譬如雞伏子試取雞一毛拔去覆子不遍中寒者濁令夫人有軀少腹寒手掌反逆奈何得有軀婦人因言當奈何師曰當與溫經湯設與夫家俱來者有軀與父母家俱來者當言寒多久不作軀

師曰有一婦人來診因言陰陽俱和調陽氣長陰氣短但出不入去近來遠故曰反以爲有軀偏反血斷斷來幾日假令審實者因言急當治恐經復下設令宮中人若寡婦無夫曾夜夢寐交通邪氣或懷久作癥瘕急當治下服二湯設復不愈因言髮湯當中下胎而反不下此何等意邪可使且將視赤烏一作赤馬師曰若宮里張氏不差復來相問臣意等詳此文理病誤不屬尤本可校以示疑疑餘皆做

此於

師曰脈婦人得平脈陰脈小弱其人渴不能食無寒熱名爲羸
桂枝主之法六十日當有娠設有醫治逆者却一月加吐下者
則絕之方在傷寒中

婦人脈平而虛者乳子法也平而微者實奄續法也而反微瀉
其人不亡血下利而反甚其脈虛俱坐乳大兒及乳小兒此自
其常不能令其虛竭病與亡血虛等必眩冒而短氣也

師曰有一婦人好裝衣來診而得脈瀉因問曾乳子下利乃當
得此脈耳曾半生漏下者可設不者經斷三月六月設乳子漏
下可爲奄續斷小兒勿乳須利止復來相問脈之

師曰寸口脈微遲尺微於寸寸遲爲寒在上臆但當吐耳今尺
反虛復爲強下之如此發背滿而痛者必吐血少腹痛腰脊痛

者必下血師曰寸口脈微而弱氣血俱虛若下血嘔吐汗出者可不者跌陽脈微而弱卷以胃氣為本吐利者可不者此為水氣其腹必滿小便則難

婦人常嘔吐而胃反若常噦一作多唾其經又斷設來者必少

師曰有一婦人年六十所經水常自下設久得病利少腹堅滿者為難治

師曰有一婦人來診言經水少不知前者何也師曰曾更下利若汗出小便利者可何以故師曰亡其津液故令經水少設經下反多於前者當所苦困當言怒大便難身無復汗也

師曰寸口脈沈而遲沈則為水遲則為寒寒水相搏跌陽脈伏水穀不化脾氣衰則驚澹胃氣衰則身體腫少陽脈卑少陰脈細男子則小便不利婦人則經水不通經為血血不利則為水

名曰血分

一作水分

師曰寸口脈沈而數數則為出沈則為入出則為陽實入則為陰結跌陽脈微而弦微則無胃氣弦則不得息少陰脈沈而滑沈則為在裏滑則為實沈滑相搏血結胞門其藏不瀉經絡不通名曰血分

問曰病有血分何謂也師曰經水前斷後病水名曰血分此病為難治

問曰病有水分何謂也師曰先病水後經水斷名曰水分此病易治何以故去水其經自寧

脈濡而弱弱反在關濡反在顛遲在上緊在下遲則為寒名曰渾陽濁則濕名曰霧緊則陰氣慄脈反濡弱濡則中濕弱則中寒寒濕相搏名曰痺腰脊骨節苦煩肌為不仁此當為痺而反

懷軀遲歸經體重以下脚爲肘腫按之沒指腰冷不仁此爲水
懷喘則倚息小便不通緊脈爲嘔血氣無餘此爲水分榮衛乖
亡此爲非軀

平產後諸病鬱冒中風發熱煩嘔下利證第三

問曰新產婦人有三病一者病瘧亦作瘧二者病鬱冒三者大便
難何謂也師曰新產亡血虛多汗出喜中風故令病瘧何故鬱
冒師曰亡血復汗寒多故令鬱冒何故大便難師曰亡津液胃
燥故大便難產婦鬱冒其脈微弱嘔不能食大便反堅但願汗
出所以然者血虛而厥厥而必冒冒家欲解必大汗出以血虛
下厥孤陽上出故但願汗出所以生婦喜汗出者亡陰血虛陽
氣獨盛故當汗出陰陽乃復所以便堅者嘔不能食也小柴胡
湯主之病解能食七八日而更發熱者此爲胃熱氣實承氣湯

主之方在傷寒中

婦人產得風續之數十日不解頭微痛惡寒時有熱心下堅乾嘔汗出雖久陽旦證續在可與陽旦方在傷寒中桂枝是也
○婦人產後中風發熱面正赤喘而頭痛竹葉湯主之

婦人產後腹中疝痛可與當歸羊肉湯

師曰產婦腹痛煩滿不得臥法當枳實芍藥散主之假令不愈者此為腹中有乾血著臍下與下瘀血湯

婦人產後七八日無太陽證少腹堅痛此惡露不盡不大便四五日跌陽脈微實再倍其人發熱日晡所煩燥者不能食譫語利之則愈宜承氣湯以熱在裏結在膀胱也方在傷寒中

婦人產中虛煩亂嘔逆安中益氣竹皮大圓主之

婦人熱利重下新產虛極白頭翁加甘草湯主之

千金方又加阿膠

平帶下絕產無子亡血各經證第四

師曰婦人帶下六極之病脉浮則為腸鳴腹滿緊則為腹中痛數則為陰中癢痛則生瘡弦則陰疼掣痛

師曰帶下有三門一曰胞門二曰龍門三曰玉門已產屬胞門未產屬龍門未嫁女屬玉門

問曰未出門女有三病何謂也師曰一病者經水初下陰中熱或有當風或有弱者二病者或有以寒水洗之三病者或見丹下驚怖得病屬帶下

師曰婦人帶下九實中事假令得鼠乳之病劇易當劇有期當庚辛為期餘皆倣此

問曰有一婦人年五十所病但苦背痛時々腹中痛少食多厭喜腹脹其脉陽微關尺小緊形脉不相應願知所說師曰當問

病者飲食何如假令病者言我不欲飲食聞穀氣臭者病為在上
上臑假令病者言我少多為欲食不食亦可病為在中臑假令
病者言我自飲食如故病為在下臑為病屬帶下當以帶下治
之

婦人帶下經水不利少腹滿痛經一月再見土瓜根散主之
婦人帶下脉浮惡寒漏下者不治

師曰有一婦人將一女子年十五所來問診言女年十四時經
水自下今經反斷其母言恐怖師曰言此女為是夫人親女非
耶若親者當相為說之婦人因荅言自是女爾師曰所以問者
無他夫人年十四時亦以經水下所以斷此為避年勿怪後當
自下

婦人少腹冷惡寒父年少者得之此為無子年大者得之絕產

師曰脉微弱而澀年少得此爲無子中年得此爲絕產

師曰少陰脉浮而緊緊則疝瘕腹中痛半產而墮傷浮則亡血
絕產惡寒

師曰肥人脉細胞有寒故多少子其色黃者首上有寒

婦人少腹硯

硯音磊切

轉痛而復自解發作無常經反斷膀胱

中結堅急痛下引陰中氣衝者必兩脇拘急

問曰婦人年五十所病下利數日不止暮則發熱少腹裏急
痛腹滿手掌熱唇口乾燥何也師曰此病屬帶下何以故曾經
半產瘀血在少腹中不去何以知之其證唇口乾燥故知之當
與溫經湯

問曰婦人病下利而經水反斷者何也師曰但當止利經自當
下勿怪所以利不止而血斷者但下利亡津液故經斷利止津

液復經當自下

婦人血下咽乾而不渴其經必斷此榮不足本自有微寒故不引飲渴而引飲者津液得通榮衛自和其經必復下

師曰寸口脈微而瀋微則衛氣不足瀋則血氣無餘衛不足其息短其形燥血不足其形逆榮衛俱虛言語謬誤跌陽脈浮而瀋瀋則胃氣虛虛則短氣咽燥而口苦胃氣瀋則失液少陰脈微而遲微則無精遲則陰中寒瀋則血不來此爲居經三月一來

師曰脈微血氣俱虛年少者亡血也乳子下利爲可不者此爲居經三月一來

問曰婦人妊娠三月師脈之言此婦人非軀今月經當下其脈何類何以別之師曰寸口脈衛浮而大榮反而弱浮大則氣強

反弱則少血孤陽獨呼陰不能吸二氣不停衛降榮竭陰爲積

寒陽爲聚熱陽盛不潤經絡不足陰虛陽往一作實故令少血時

發洒浙咽燥汗出或溲稠數多唾涎沫此令重虛津液漏泄故

知非軀畜煩滿洩月稟一經三月一來陰盛則瀉名曰居經

問曰婦人年五十所一朝而清血二三日不止何以治之師曰

此婦人前絕生經水不下今反清血此爲居經不須治當自止

經水下常五日止者五日愈

婦人月經一月再來者經來其脉欲自知常而反微不利不汗

出者其經二月必來

平鬱冒五崩漏下經閉不利腹中諸病證第五

問曰婦人病經水適下而發其汗則鬱冒不知人何也師曰經水下故爲裏虛而發其汗爲表復虛此爲表裏俱虛故令鬱冒

也

問曰婦人病如癩疾鬱冒一日二十餘發師脉之反言帶下皆如師言其脉何類何以別之師曰寸口脉濡而緊濡則陽氣微緊則榮中寒陽微衛氣虛血竭凝寒陰陽不和邪氣舍於榮衛疾疾一作疾一起年少時經水來以合房室移時過度精感命門開經下血虛百脉皆張中極感陽動微風激成寒因虛舍榮衛冷積於丹田發動上衝奔在首隔津液掩口入涎唾涌溢出眩冒狀如厥氣衝髀裏熱粗醫各為癩灸之因大劇

問曰婦人病苦氣上衝首眩冒吐涎沫髀裏氣衝熱師脉之不一名帶下其脉何類何以別之師曰寸口脉沈而微沈則衛氣伏微則榮氣絕陽伏則為疹陰絕則亡血病當小便不利津液閉塞今反小便通微汗出沈變為寒欬逆嘔沫其肺成痿津液竭

少亡血損經絡因寒爲氣厥手足苦痺氣從丹田起上至膏肓
沈寒悒鬱於上首中空寒氣歷陽部面翳如醉形躄似肥此乃
浮虛醫反下之長針復重虛榮衛久發眩冒故知爲血厥也

問曰五崩何等類師曰白崩者形如涕赤崩者形如絳津黃崩
者形如爛瓜青崩者形如藍色黑崩者形如衄血也

師曰有一婦人來脈反得微瀼法當吐若下利而言不因言夫
人年幾何夫人年七七四十九經水當斷反至今不止以故致
此虛也

寸口脈弦而大弦則爲減大則爲乳減則爲寒乳則爲虛寒虛
相搏脈則爲革婦人則半產漏下旋復花湯主之

婦人陷經漏下黑不解膠薑湯主之

婦人經水不利抵當湯主之在傷寒中

婦人經水閉不利藏堅僻不止中有乾血下白物礬石圓主

婦人腹中諸疾痛當歸芍藥散主之

一云治壞胎
腹中疼痛

婦人腹中痛小建中湯主之方在傷寒中

一云腹中痛小便
利理中湯主之

平咽中如有灸傷喜悲熱入血室腹滿證第六

婦人咽中如有灸傷狀半夏厚朴湯主之

婦人藏燥喜悲傷欲哭象如神靈所以數欠甘草小麥湯主之

婦人中風發熱惡寒經水適來得之七八日熱除脉遲身涼皆

脇下滿如結脊狀其人譫語此為熱入血室當刺期門隨其虛

實而取之

婦人中風七八日續有寒熱發作有時經水道斷者此為熱入

血室其血必結故使如瘧狀發作有時小柴胡湯主之方在傷

寒中

婦人傷寒發熱經水適來晝日了了暮則譫語如見鬼狀此爲

熱入血室無犯胃氣若上一二臆必當自愈

二字疑

陽明病下血而譫語此爲熱入血室但頭汗出者當刺期門隨其實而瀉之澱然汗出者則愈

婦人少腹滿如敦敦狀要畧云云小便微難而不渴生後疑者

此爲水與血并結在血室大黃甘遂湯主之

平陰中寒轉胞後吹陰生瘡脫下證第七

婦人陰寒溫中坐藥蛇床子散主之

婦人著坐藥強下其經目眶爲痛足跟難以踐地心中狀如懸

○問曰有一婦人病飲食如故煩熱不得臥而反倚息者何也

師曰得病轉胞不得溺也何以故師曰此人故肌盛頭卒身滿

今反羸瘦頭卒中空感一作胞系了矣故致此病但利小便則

愈宜服腎氣圓以中有茯苓故也方在虛勞中

師曰脉得浮緊法當身軀疼痛設不痛者當射云何因當射言若腸中痛腹中鳴欬者因失便婦人得此脉者法當陰吹

師曰寸口脉浮而弱浮則爲虛弱則無血浮則短氣弱則有熱而自汗出跌陽脉浮而清浮則氣滿濇則有寒喜噫吞酸其氣而下少腹則寒少陰脉弱而微微則少血弱則生風微弱相搏陰中惡寒胃氣下泄吹而正喧

師曰胃氣下泄吹而正喧此穀氣之實也膏髮導之

少陰脉滑而數者陰中則生瘡

少陰脉數則氣淋陰中生瘡

婦人陰中蝕瘡爛狼牙湯洗之

婦人臧腫如瓜陰中疼引膏痛者杏仁湯主之

少陰脈弦者白腸必挺核

少陰脈浮而動浮則為虛動則為痛婦人則脫下

平婦人病生死證第八

診婦人漏血下赤白且下血數升脈急疾者死遲者生

診婦人漏下赤白不止脈小虛滑者生大緊實數者死

診婦人新生乳子脈沈小滑者生實大堅弦急者死

診婦人疝瘕積聚脈弦急者生虛弱小者死

診婦人新生乳子因得熱病其脈懸小四肢溫者生寒清者死

診婦人生產因中風傷寒熱病喘鳴而息脈實大浮緩者生

小急者死

診婦人生產之後寸口脈炎疾不調者死沈微附骨不絕者生

○金瘡在陰處出血不絕陰脈不能至陽者死接陽而復出者

生

平小兒雜病證第九

小兒脈呼吸八至者死九至者傷十至者困

診小兒脈法多雀鬪要以三部脈為主若緊為風癩沈者乳不消弦急者客忤氣

小兒是其日數應變蒸之時身熱而脈亂汗不出不欲食食輒吐唄者脈亂無苦也

小兒脈沈而數者骨間有熱欲以腹按冷清也

小兒大便赤青辦殮洩脈小手足寒難已脈小手足溫易已

小兒病困汗出如珠著身不流者死

小兒病其頭毛皆上逆者必死耳間青脈起者瘰癧

小兒病而凶陷入其口脣乾目皮反口中氣出冷足与頭相抵

臥不舉身手足四肢垂其臥正首如得縛其掌中冷皆死至十日不可復治之

新刊王氏脈經卷第九

學

水

蒸

燄

好

浙

新刊王氏脈經卷第十

手檢圖三十一部

朝散大夫李光祿卿直秘閣判登聞檢院護軍臣林億等類次

經言肺者人之五藏華蓋也上以應天解理萬物主行精氣
法五行四時知五味寸口之中陰陽交會中有五部前後左
右各有所主上下中央分爲九道浮沈結散知邪所在其道
柰何

歧伯曰脈大而弱者氣實血虛也脈大而長者病在下候浮
直上下交通者陽脈也堅在腎急在肝實在肺前如外者是
太陽也中央如外者是陽明也後如外者是少陽也中央直
前者手少陰也中央直中者手心主也中央直後者手太陰
也前如內者是厥陰也中央如內者足太陰也後如內者是

少陰也前部左右彈者陽踠也中部左右彈者帶脉也後部左右彈者陰踠也從少陽之厥陰者陰維也從少陰之太陽者陽維也來大時小者陰絡也來小時大者陽絡也

前如外者足太陽也動苦頭項腰痛浮為風瀼為寒熱緊為宿食

前如外者足太陽也動苦目眩頭項腰背強痛也

男子陰下濕女子月水不利少腹痛引命門陰中痛

子臧閉浮為風瀼為寒血滑為勞熱緊為宿食鍼入九分却

至六分

中央如外者足陽明也動苦頭痛面赤微滑苦大便不利腸鳴不能食足脛痺

中央如外者足陽明也動苦頭痛面赤熱浮微滑苦大便不

利喜氣滿滑者為飲瀼為嗜臥腸鳴不能食足脰痺鍼入九分却至六分

後如外者是少陽也動苦腰背脰股肢節痛

後如外者是少陽也浮為氣瀼瀼為風血急為轉筋絃為勞
鍼入九分却至六分

右足三陽脈

前如內者是厥陰也動苦小腹痛月經不利子藏閉

前如內者是厥陰也動苦小腹痛與腰相連大便不利小便
難卒中痛女子月水不利陰中寒子閉壅絕內小腹急男子
疝氣兩丸上入淋也鍼入六分却至三分

中央如內者是大陰也動苦胃中痛食不下欬唾有血足脰

寒少氣身重從腰上狀如居水中

中央如內者是太陰也動苦腹滿上脘有寒食不下病以飲食得之沈瀆者苦身重四肢不動食不化煩滿不能臥足胫痛苦寒時欬血泄利黃鍼入六分却至三分

後如內者是少陰也動苦少腹痛與心相引背痛淋從高墮下傷於內小便血

後如內者是少陰也動苦小腹痛與心相引背痛淋從高墮下傷於內便血裏急月水來上搶心胃脇滿拘急股裏急也鍼入六分却至三分

右足三陰脈

前部左右彈者陽蹻也動苦腰背痛微瀆為風痲取陽蹻

前部左右彈者陽蹻也動苦腰痛癩瀆惡風偏枯僵仆羊鳴

膚痺皮膚身體強淫一作痺直取陽蹻在外踝上三寸直絕骨

是也

中部左右彈者帶脉也動苦少腹痛引命門女子月水不來
絕繼復下止陰辟寒令人無子男子苦少腹拘急或失精也
後部左右彈者陰躄也動苦癩癩寒熱皮膚強淫作痺
後部左右彈者陰躄也動苦少腹痛裏急腰及髓空下相連
陰中痛男子陰疝女子漏下不止

右陽躄陰躄帶脉

中央直前者手少陰也動苦心痛微堅腹脇急實堅者為感
忤純虛者為下利腸鳴滑者為有娘女子陰中癢痛痛出玉
門上一分前

中央直中者手心主也動苦心疼面赤食苦咽多喜怒微浮
者苦悲傷恍惚不樂也瀆為心下寒沈為恐怖如人捕之狀

也時寒熱有血氣

中央直後者手太陰也動苦欬逆氣不得息浮為內風緊滿者皆中有積熱時欬血也有沈熱

右手三陰脉

從少陰斜至太陽是陽維也動苦肌肉痺癢

從少陰斜至太陽是陽維也動苦顛僵仆羊鳴手足相引甚者失音不能言癩疾直取客主人兩陽維脉在外踈絕骨下

二寸

從少陽斜至厥陰是陰維也動苦癩癩僵仆羊鳴

從少陽斜至厥陰是陰維也動苦僵仆失音肌肉淫癢痺汗出惡風

脉來暫大暫小是陰絡也一作動苦肉痺應時自發身洗洗

也

脈來暫小暫大者是陽絡也一作結動苦皮膚痛下部不仁汗出而寒也

右陽維陰維陽絡陰絡脈

前部橫於寸口凡凡者任脈也動苦少腹痛逆氣搶心胸拘急不得俛仰

三部俱牢直上直下者衝脈也動苦胸中有寒疝
三部俱浮直上直下者督脈也動苦腰脊強痛不得俛仰大人顛小兒癩

右任衝督三脈

肺脈之來也如循榆葉曰平如風吹毛曰病如狀連珠者死
期丙丁日禺中日中

心脈之來也如反笋莞大曰平如連珠曰病前曲後居如帶
鉤者死期壬癸日人定夜半

肝脈之來也搏而若曰平如張新弓弦曰病如雞踐地者死
期庚辛日晡時日入

脾脈之來也阿阿如緩曰平如雞舉足曰病如鳥之啄如水
之滿者死期甲乙日平旦日出

腎脈之來也微細以長曰平來如彈石曰病去如解索者死
期戊己日食時日昃黃昏雞鳴

右平五藏脈

寸口中脈躁竟尺關中無脈應陽干陰也動苦腰背腹痛陰
中若傷足寒刺足太陽少陰直絕骨入九分灸太陰五壯
尺中脈堅實竟尺寸口無脈應陰干陽也動苦兩脛腰重少

腹痛顛疾刺足太陰踝上三寸鍼入五分又灸太陽陽蹻在足外踝上三寸直絕骨是也

寸口脈緊直至魚際下小按之如持維竿

一作維毛

狀其病腸鳴

足痺痛酸腹滿不能食得之寒溫刺陽維在外踝上三寸間也入五分此脈出魚際

寸口脈沈著骨反仰其手乃得之此腎脈也動苦少腹痛腰體酸顛疾刺腎俞入七分又刺陰維入五分

初持寸口中脈如細堅狀久按之大而深動苦心下有寒胸脅苦痛陰中痛不欲近丈夫也此陰逆刺期門入六分又刺腎俞入五分可灸胃管七壯

初持寸口中脈如躁狀洪大久按之細而堅牢動苦腰腹相引痛以下至足胫重也不能食刺腎俞入四分至五分亦可

灸胃管七壯

尺寸俱沈但有關上脈苦寒心下痛

尺寸俱沈關上無瀉著苦心下喘

尺寸俱數有熱俱遲有寒

尺寸俱微厥血氣不足其人少氣

尺寸俱濡弱發熱惡寒出汗一云內溫熱手足逆冷汗出

寸口沈胸中痛引背短氣

關上沈心痛上吞酸

尺中沈引背痛

寸口伏胸中有過氣

關上伏有水氣泄瀉

尺中伏水穀不消

寸口弦胃中拘急

下幅作心

關上弦胃中有寒心下拘急

尺中弦少腹臍下拘急

寸口緊頭痛逆氣

關上緊心下痛

尺中緊臍下少腹痛

寸口濡無陽少氣

關上濡無血厥冷

尺中濡無陰厥冷

寸口微無陽外寒

關上微中實

一作胃虛

能食故裏急

一作無胃氣

尺中微無陰厥冷腹中拘急

寸口滑胸滿逆

關上滑中實逆

尺中滑下利少氣

寸口數即吐

關上數胃中有熱

尺中數惡寒小便赤黃

寸口實即生熱虛即生寒

關上實即痛虛即脹滿

尺中實即小便難少腹疼痛虛即閉塞

寸口芤吐血微芤衄血

關上芤胃中虛

尺中芤下血微芤小便血

寸口浮其人中風發熱頭痛

關上浮腹痛心下滿

尺中浮小便難

寸口遲上焦有寒

關上遲弱無胃氣有熱

尺中遲下焦有寒背痛

寸口濡陽弱自汗出

關上濡下重

尺中濡少血發熱惡寒

寸弱陽氣少

關弱無胃氣

尺弱少血

右雜言三部二十四種脈

新刊王氏脈經卷第十

學

大

蒙

諸

新